

KUSWABA

 Ni itumezi, Muzwale Neville. U fuyolwe!

Ki kakusasana, balikani. Ki hande fa kuba mo kakusasana cwana. Mi Ni sepa Ni ezize za... Ni mulyanganisi wa nako ya Muzwale Neville. Na inzi kwa mulaho kwani, inza kopanya lika za hae hamoho; mi se Ni kena mwahali, ki a kala kulonga lika za hae, mi ali, "Kulukile..."

² Si ni hupulisa myaha ye felile. Ne ku banga muzwale yomunsu ona kwanu, ya na bizwa Muzwale Smith, ni Kezeli Cross. Ne ba li balikani babande luli kuna. Mi ha ne Ni kenanga mwa muyaho busihu, muuna muhulu na ezanga... Na nani mulelu o musweu. Ha ni sa ziba kamba yomuñwi kaufela wa kumina wa muhupula, kamba kutokwa. Mi na banga fa katala, mwa ziba. Mi kaufela bona kipeto baopela, "Nzila Ya Lihalimu Ya Kambama." Mi Muzwale Smith, na inanga fela sina *cwana*, mwa ziba. Mi Na ne ni kenelanga kwa munyako wa kwa mulaho.

³ Ne ku na ni musizana yomuñwi, yana bonahala bunsu luli, na inanga mwa lilulu. Na kalanga kukambela mazoho a hae, kuli, "Mu Mu Nanule," pina yani, mwa ziba. Mi kipeto ba beya minembo ya bona ku yona, mwa ziba. Mi mwani mwa lilulu leliñwi, neku banga yomuñwi, ya na bulelanga kuli, kutela fateni hape, "Mu Mu Nanule." Kulukile, yani kona ye ne ba opelanga hane Ni kenanga mwa ziba. Ni tabelanga sikwata sa batu sani.

⁴ Mi kacwalo muuna muhulu Muzwale Smith na inelanga kwa mulaho kwani, fahule nyana, mwa ziba, mi yena nali mutu ya kuzize cwalo. Na bulelanga kuli, "A mukene, muñaka, mukatuluse kuwani ya mina." Isiñi "kuikatulusa mina bañi"; "mukatuluse kuwani ya mina," mwabona. "A mukene, muñaka, mukatuluse kuwani ya mina." Na yanga kwapili kwani, mi, Ne ni kona kuziba nzila ya nanuhile ka yona, Ne ni kenanga mwa butata, mwabona.

⁵ Na bulelanga kuli, "Kulukile," ubulela kuli, "bana, mwa ziba," ki hali, "Ne—Ne ni inzi kwanu ni nze ni komoka, 'Mulena, ki sikamañi So ka ni fa kuli ni bulele?'" Ali, "Na—Na—Na sweli ku nyanganyisa toho ya Hae, ku nyanganyisa toho ya Hae ku na. 'Ha ni na ku kufa sika sa ku bulela.'" Abulela, kuli, "Ni boni Branham Yomuhulu ha kena kwa mulaho kwani, mi se Nili, cwale, 'Mulena, Ni kala fela ku hupula . . .'" Kulukile, Ne nili mwa butata ka zona!

⁶ Muzwale George Wright, mu cwani, muzwale? [Muzwale Wright uli, "Oh, hande. Luli."—Mu.] U fuyolwe, Muzwale Wright! Kaniti. ["Muzwale Elijah uteni kwa mulaho kafo."] Oh, ki niti yeo? Muzwale Elij' Perry, na ize, ukwa mulaho kwani. U inezi kai fani, Muzwale Elij'? Ha ni sika mubona seli kale...

Kulukile, mawi, ki bunde! Cwale lu lukela kuba ni mukopano wa luli kwanu! Elij' Perry, George Wright, ni babañwi ba kubona ki ba kale luli ku bene ba banga kwanu hane mu swalanga mahaulo, ka mazoho aluna, moyo ha no fukanga. Ki bunde ka ku mibona! Ima, Kezeli Wright utile ni mina? Kezeli Wright uteni? Utensi kwa mulaho kwani, ni yena. Eeni, sha. Kulukile, a ki bunde ni boo! Kezeli Perry, Na ba bona cwale kaufela bona. Kulukile, zani luli ki zende. Ki hande ka kuba mwahali. Ki hande ka kuina mwa libaka ze. Ki hande fa kuba hamoho.

⁷ Ne ni bile ni munahano, katata luli, hane ni kuta; ne ni imezwi mwa pilu. Kona ni sa zo kuta kwa Africa, sina kaufela ha mu ziba. Mi hane Niilo fita kwani, Ne ni nani situpa sene si sa lumelezi, mi neba sa ni lumeleza kukena, ku ni tuhela kuli ni kutaze kakuli libeyanga sicaba hamoho. Ba kulubela musunga kwani ka nako kaufela, mi—mi bona—bona ne ba si ke ku ni tuhelela kukutaza bakeñisa ona ku putehana kwa nyangela ni ndopu cwalo hamoho. Nzila fela yene Ni ka kona ka yona, ki kuba ni katengo kakañwi kaka yemelwa ki muso, mwa muso, kuli ka ni meme kwani, konakuli zani neli ka eza kuli muso ulume masole kapili kuto sileleza. Mwabona, bona bakona fela . . . Kwa kona kuzuha fela musunga, mi zani kona zeliteni ku mwahala zona. Li fa kaufi fela, mwabona. Muuna yani wa muso naize, “Nako ye felile yanali kwanu, nabile si sicaba se sikuma fa lule hasi alulwa halalu hamoho.” Mi ki hali, “Konakuli, mwa bona, yani ikona kuba fela yona taba yeo swalisano ibata, kuba ni musunga.” Kacwalo, Ne ni si ka kutaza.

⁸ Sicaba sani sali kuyema fani, banze ba nyanganyisa mazoho abona, ni kuhuwa, “Uhupule boma! Uhupule, muzwale waka utimezi! Mawi . . .” Kwani, mi ni kwa mulaho wa lisipi, mwa ziba, lisipi za mawaya, mi li mi eza fela ku ikutwa bumaswe luli. Mi ki ha Ni kuta kwa hae.

⁹ Mi Na hupula, “Kulukile . . .” Mwana ka, Joseph, kwa mulaho kwani, na i tibezi nyana ka kubala kwa hae. Mi na nani . . . Na pasize hande, kono na nani ku likutela; na si ka bala ka swanelo hande. Kacwalo Na hupula, “Kulukile, lu ka ina kwa lapa fa nako nyana.” Mi se Nili, “Haiba lu ina kwa lapa, li ka sinya pumulo ya bana.” Kacwalo ne lu to cinca lizazi, ni ku mu i sa kwa sibaka sesiñwi ka kweli ya Muyana, ni kutuhela . . . ni kukutela kwanu fa lisunda zepeli, zetalu cwalo.

¹⁰ Se nili, “Na lumela, ha lu sa inzi kwa mulaho kwani, Ni kanga fela ni kuba ni mukopano. Lu kanga muyaho wani wa sikolo kwanu, mi—mi lukaba ni mukopano kukala ka la twenty-eiti kuya cwalo kuyofita ka la pili, mukopano mwa muyaho wa sikolo. Ne ni bata ku kutaza fa tuto ya kusuluha kwa Linkwana ze supa za mafelelezo zani.” Mi kacwalo ki ha luitahanelia kuzibisa, mi ne luna ni kuswabiswa nyana. Ha ba na ku lu tuhelela kuba ni likolo ze ni kamuta, batu ba bañata luli ba putehana mwateni. Ha lukoni kuba ni zona kai kamba kai. Mi

kacwalo ki ha Ni itakaleza, ha ne Ni sa li kwanu fani, mwa sibaka sa . . .

¹¹ Ha lu koni kubeya sicaba kaufela, haiba lukona ku zibahaza- . . . Ha ku sika zibahaliswa kale, cwale. Kacwalo haiba lubeya sicaba kaufela, kulika ku ba beya mwa tabernakele mo, ne lu sa koni kuli eza. Mwabona, fela ki kuli . . . mazazi a ketalizoho na kaba a maswe.

¹² Kacwalo, ha ne ni inzi fani inge ni ambola ni Muzwale Neville ni Muzwale Wood, ni babañwi, lu itakalelize kueza se. Haiba halu koni, he, konakuli lu ka ba ni lisebelezo ze ketalizoho; fani ikaba la twenti-eiti, twenti-naini, la seti, seti-wani, ni la pili. Kulukile, Ni ikutwa kuli haiba ne lukaba ni, kukala ka la Sunda yetatama, lwa kona ku ba ni lisebelezo zepeli, la Sunda kakusasana ni la Sunda busihu, lani ki la eitini. Mi cwale ka la—ka la twenti-faifi, lukaba ni la Sunda ka kusasana ni la Sunda busihu. Zani ki lisebelezo zene. Mi haili ka la wani Muyana, lukaba ni Sunda kakusasana ni Sunda busihu. Zani li ka lu fa lisebelezo ze silezi, konakuli hakuna kuba ni kafilika kwa kukenya sicaba mwahali. Mi Ni sepa cwalo.

¹³ Kana ha muboni kuli zani likaba hande kufita kuba ni batu kamukana mwahala kutitihana hamoho, ni lika zeñwi? Mi ikaba cwalo ka lisebelezo zepeli zani, lwa kona ku itukisa ka ze cwalo, kono mutu ni mutu lu hohele hamoho. Ka masihu aketalizoho, ona cwalo, ne kukaba ka tata.

¹⁴ Mi Ni bata kuba ni basepahali ni bahulu kwanu, fa nako ye Ni sa li kwanu.

¹⁵ Se si ba kai ni kai. Lu pila mwa mazazi a maungulo a, ili ko Evangeli i sina swanelo ya—ya puso sina mo I lukela kubela. Ha i sana litukelo zeo I lukela kuba ni zona. Li swalani kaufela liba mwa litaba za likañi ni zeñwi, mane sina fela katengo. Mi kwani kona ko lifitile, kakuli nombolo ya sibatana ina ni kutaha ka katengo, lwa ziba. Kacwalo luka—luka . . . Kakuli, ki kuñala, “hakuna mutu yaka leka kamba ku lekisa, kwanda yena ya na ni nombolo ya sibatana.”

¹⁶ Mi cwale Ni bata ku ziba, kufitela ku ba bahulu. Ni ikutwa kuetelawa. Ne ni si kabe ni ba ni tala ya Mulimu mwa pilu yaka, mwahala bupilo bwaka kaufela, kufita mo Ni bezi cwale, mwabona. Kakuli . . . Mi Ni—Ni bata kuba ni tende yaka ni lika za ka—za ka, sina Mulena ha na ni file pono ya teni, mi Na lumela nako cwale seili fa kaufi. Mi Ni bata kubona ha Ni sa inzi kwanu, ha lu sa koni kuba ni tende.

¹⁷ Mi—mi cwale haluse luile, sina kutaha kwa Jeffersonville, mwa sibaka sa kuba ni zazi lililiñwi kamba amabeli, kamba amalalu kamba mazazi amane, lwa kona ku zwela kwande kwani ni kubapula tende ye, ni kuba ni lisunda zepeli kamba zetalu, mwa bona, mi hakuna fela mutu ya kona kubulela sika ka zona. Lwa kona kuba ni sibaka sa kulahela mbola, kamba, haiba ha ba

na ku lu tuhelela kuba ni sona, kuna ni mulimi kwanu yaka lu lumeleza kuba ni sibaka sa simu ya hae. Lu ka lifela simu ya hae ni—ni ku ibakanya. Taba fela yelukaba ni kueza kwani, ikaba kuyaha bipapela bya luna—bya luna, ni zeñwi cwalo, ni mwa ku yaukela. Mi zani za kona ku ezahala ka bunolo. Mi kipeto luka kala lisebelezo za luna ona cwalo kakuli zani za zamaelela ni pono yezwa ku Mulena, mi i lukela ku ezahala ka nzila yani.

¹⁸ Mi ha ne ni kena mwahali, maabani, na fumana, mwa ziba, *se, sani*. Mi ne ni ya ni kambama mwa mukwakwa, ni mulikana ka yomunde inze luya hamoho cwalo, ali, “Lumela, Billy.” Na mu talima, ni milili ya limbi sina litwa, mba yekuma *fani* cwalo. Mi mushimani yani ki wa siyemo saka. Lwa mata mata hamoho, mushimani yomunde luli, ha ne Nili mwanana. Neli ni utwisanga kuba ni lisheha.

Mwana ka yomunyinyani, Joseph, ali, “Kiñi ha muswabile, Tate?”

¹⁹ “Oh,” se Nili, “Ha ni koni ku ku taluseza zona, Joseph. Mwabona, Ha ni koni, ha ni koni kuku bulelela.”

²⁰ Mi Na talima ku Elij’ Perry yana inzi kwa mulaho kwani, ni Musala bo Perry; ku bonahala inge maabani nebali linyalo la ba milili ye minsu kwande kwani, banze ba pila mabapa bu kaufi ni na, hane lu na ni mukolo wa kale, Wahoo, ni ku shetumukela kwa nuka ni kushuta busihu. Ku ba bona sibeli sa bona seli limbi twaa kwa litoho, mwa ziba, si bulela nto yeñwi, ki mulangu nyana o taha, “Ha musana nako yeñata ni yekana.” Mwabona?

²¹ Kacwalo, Ni bata zazi ni zazi la bupilo bwaka kuli li be ku Yena. Se Ni siile, ki nako mañi ye Ni nani, Ni bata ku itusisa yona kokuñwi inge ni eza sika sesiñwi, haiba ha ki kuyema fa manganandila a mukwakwa, kupaka za kanya ni likute la Mulimu. Mi Ni—Ni tile kwanu ka mulelo wani.

²² Mi Ni nani sibaka se si nyinyani kwanu kwa Sikayo sa Green, Indiana. Ha ki muleneñi, cwale, ki—ki lihalaua. Mi batu babañwi ba ikungezi lona, mi ha bana ku mi tuhelela kuhata liutu la mina ku lona. Kono Ni na ni liñope kwani leo hakuna ya ka ni fumana ni hanyinyani ha se Nikeni mwahali mwani. Ni kenanga ka nako ya busihu, mi yena hana kuziba ha Ni kena kamba ha nizwa. Mi hazibi ko ku inezi liñope lani, mi hakoni kufita kwateni hakuna taba kamba ne li kaba kai. Mi Ni bata kuya kwani ni yo ambola ni Mulena, nako nyana, Ni ikutwa kuli ki kwa butokwa.

²³ Musala ka, u bata kutaha, u bata kutaha kutopota kwateni, ni Rebekah ni Sarah, ni bona, ni balikani ba bona. Mi luka kuta kwanu ka lisunda ze talu ze tatama, mi haiba Mulena alata.

²⁴ Mi Na sepa, mwa sibaka sa kutitihanya sicaba hamoho, ka mikopano yani kwanu kwa tabernakele . . . Kakuli, se ki sa luna, ki sa Mulena, ulufile sona. Mi sina ni zefukisa moyo. Sina ka kuba ni sebelezo ya kakusasana la Sunda, sebelezo ya la Sunda

busihu. Ye ne ka lukulula sicaba kuikela kwa libaka za bona, ni ku yo libelela kufitela biki ye taha.

²⁵ Ha ni sepi kuli Ne ni kaba ni—ni kueza sishemo ka swanelo kwa kusuluha kwa Manaka a mafelelezo ani, kakuli kuna ni, Liñusa lelituna hahulu mwahali mwani. Kono ne Ni ka lapelela bakuli, ni kueza lika ze . . . Ni na ni Mañusa, ni na, sina Mulena ha ka ni fa ona ku na, ili a keleke. Mwahala biki, Ni ka ya kwande kwani mwa lihalaua kokuñwi ni ku yo bala, ni ka kuta la Sunda kakusasana, ku to ba ni sebelezo ya kakusasana la Sunda sina cwana, ni sebelezo ya la Sunda busihu. Mulisana wa luna yomunde hahulu yomunyinyani, Muzwale Neville, Ni mu buzize haiba sani ne si ka ba hande ku yena. Fani ki ku amuha lisebelezo kaufela kuzwa ku yena, kono nali yana tabezi hahulu ni kufita kuli aitobohe ka—ka zona ku ya cwalo. Ne ni . . .

²⁶ Muzwale Capps, yena, Na sepa, una ni fibele ye yambukela, ni yena, mi Na bona uile, ni—ni Muzwale Humes. Mi Mulena nana ni Muzwale Mann kwanu ili kuli azwelepili fela, ni mwa sibaka. Mwa bona, kana sani ha ki sesinde ka mo Mulimu a ezezanga lika? Yena una ni lika kaufela ze tomilwe hande ka swanelo. Ne ni tile mi Na utwa yomuñwi inza kutaza. Se nili, “Sani ha si . . . Na lumela . . .”

²⁷ Muzwale Capps, natile kwa Tucson, mi Na sepa ne si mu swabisize luli kapili, neli madigiri aeza mwanda ni lishumi. Na sika tabela kuba ni sa kueza ka sona, kacwalo ki ha ikela, yena ni Muzwale Humes, ni kuya kwa Phoenix. Kakuli, ki mwanda ni lishumi ka ze ketalizoho kuisa ku ze silezi, lishumi ka ze ketalizoho ka zetalu. Sani neli ze maswe niteñi, kacwalo Na sepa naile kwa Texas hasamulaho wa fani; yena, inza lika kufumana sibaka.

²⁸ Kono ha mutokwi Arizona ni yekana mwa nako ya silimo ye, Na mi bulelela. Ne li mwanda ni mashumi amane, ka zazi leliñwi, la Bufaifi le lifelile, kucisa ko kueza madigiri a mwanda ni mashumi amane, kwa Parker. Mi kwani kona ko Muzwale Craig, yazwa kwa keleke kwanu, apila. Mi mwa kona kupwaca lii, mi lika halikeha li si ka nata kalefafasi. [Muzwale Branham waseha—Mu.] Mi, mu sa kwa fela mati kipeto—kipeto mukamo wa oma, fela ki . . . Hakuna kubatelwa hakuna sika kaufela, luli ki ondo ya kubeseza sinkwa ka nako ya silimo ye. Kono kuzwa ka Njimwana, Nülule ni Sope, ki kokunde. Kono ha ifita mwa kweli ya Liatamanyi ni Lungu, ku hande muikeli kusili haiba hamulati ku fipelwa.

²⁹ Mi kacwalo Muzwale Capps ni babañwi nebatile ka nako yani, ze Ni sepa kuli ne li ba matisize. Kacwalo mwendi Mulena na ezize sani ka mulelo omuñwi. Na lumela cwana, kuli Mulimu u zamaisanga mautu a baba lukile. Fokuñwi ku bonahalanga kutatafala.

³⁰ Sina lizazi leliñwi mwa musipili wani wa kwa Africa, Ne nina ni kuziba hande kuli Ne nili mwa tato ya Mulimu. Kakuli, mwaha o felile, Ne nili kwani kwa Mboela, ne ni na ni mikopano yemiñata nyana, mi, bona—bona, Na hupula . . .

³¹ Ka kuzwa mwa katengo kani, ali, “Wa kona kutaha cwalo, kufitela mwahala Baana ba Pisinisi ya Sikreste, kono haluna kuba ni sa kueza ka zona.”

³² Kulukile, Ha ni lati kubeya baana bani ku zona, mwa ziba, kueza musunga. Ni—Ni bata ku ba eza kuli ba ikutwe hande ku yomuñwi ni yomuñwi. Kacwalo se Nili, “Kulukile . . .” Na ba ñolela liñolo, se Nili, “Muhupule, Ni likile kukena mwa Africa fa lilimo, hape, ni ikutwa kuli bulumiwa bwaka ha bu si ka fela mwa Africa. Ha ni na . . .”

³³ Ki kabakalañi ha Ni lukela ku ya kwa Africa, kanti Ni na ni mileneñi ye silezi, ye supa yeliteni ona mwahala United States mo, yesweli kubiza, mwabona, ona mwahali mo, kusina kusiya Canada, Mexico, kamba yeñwi ya libaka zani? Ki kabakalañi ha Ni lukela kubata ku ya kwani? Kono ki sesiñwi mwa pilu yaka, se si ni hohela kwa Africa. Kwani, sicaba sani, kuna—kuna ni sesiñwi ka sona, seo Ni lata, mi Ni bata kuyela fela batu ba bansu kipeto. Mi ku na ni sesiñwi mwahala buñata bwa bona, baeteleli bani, ha ba ikutwa kuli Ni lukela kueza cwalo. Ni—Ni bata kuyela balikani ba bansu. Kwani kona kwa ni bizelize Mulena. Mi cwale batokwile. Buñata bwa sicaba sani, batu ba makuwa bani, bakona kuba ni baalafi ni zeñwi cwalo. Kono bañi ba naha bani ba pila kwande kwani, mane licika ba bolanga. Ni—Ni—Ni ikutwa kuli ki bona ba bakona ku Li amuhela. Bani ki bona. Kuna ni sesiñwi ka sona.

³⁴ Ha mu fita fa sibaka, sa kuli mu talifile hahulu muziba lika kamukana, kipeto Mulimu hakuna sa kona kueza ni mina. Kono ha mu fita fa sibaka sa kuli mwa itakaleza kuteeleza ni kuituta, konakuli—konakuli ki nako ya Mulimu, wa kona kukena mwahali ni ku ambola ni mina.

³⁵ Mi kacwalo Na ba ñolela Liñolo hape, ni ku ba bulelela. Mi se Nili, “Muhupule, ka Lizazi la Katulo, ona mazoho a masapo ani akazwa mwa musi, a mi atule! Mali abona akaba fahalimwa mina, isiñi ku na, kakuli Ni likile seli myaha ye lishumi kulika ku kutela kwateni.”

³⁶ Mi cwale hane Ni lumile liñolo, ha ni kuta, Sesiñwi sali ku na, “Ubone Sidney Jackson, unge musipili wa ku yo zuma.” Mi, ka nako yeswana, Mulena abulela ku Sidney Jackson, ali, “Tau ya boyo bo bu ñandatalukeke, Muzwale Branham una ni sikundi mwa; Durban, mukopano o mutuna.”

³⁷ Kulukile, nali kwa sibaka sa kwanu, mi na bulezi ni wena kwanu. Ha li bile cwalo, ne lu kolobelize . . . Yena na Iwanisa kolobezo ye ya Libizo la Jesu Kreste. Mi musala hae nali ya ipitezi hahulu kufita mwana inezi yena, mane yena na kona ku

yema fela ni kuikela. Ne mu ka kona ku . . . Na mi bulelela, Nali kuba ni bone batu baba ipile. Ba na ni bakutazi ba bakuma fa mwanda ni mashumi aketalizoho kwani, baba kolobelizwe ka Libizo la Jesu Kreste, mi ba sweli fela ku cisaka naha. Liñusa lisweli fela kububa mwa Africa, kai ni kai, bafufisi ba lifulai ni baana ba batuna banze ba taha, ku to kolobezwa ka Libizo la Jesu Kreste.

³⁸ Mi kacwalo Na, hane Ni kalile ku yanga kwani, Na mi bulelela, Ne ni sina butata bo bu tuna hahulu mwahala bupilo bwaka kaufela, ka kulika kuya kwani. Mi cwale ka muzuzu wa mafelelezo luli, ona muzuzu wa mafelelezo luli wa kuya, se kuñolwa fa situpa saka kuli, "Hakoni ku kulubelwa kuba mwa sebelezo kaufela ya bulapeli; ulukela fela kutaha kuto zuma." Kulukile, he, ne ku li cwalo.

³⁹ Kono se Nili, "Ha ni na taba ka sa eza diabulosi, Ha—Ha ni koni . . . Ha ni koni kunyatela seo Muzwale Jackson a bulezi ka za tau ya boyo bo bu ñandatalukeke, ni *se*, *sani*, ni *sesiñwi*. Ha—Ha ni koni ku sinyatela. Kono Na ziba Mulimu u ni bulezi ku 'bona Sidney Jackson, ni ku yo zuma.'" Mi se Nili, "Na ya." Mi fokuñwi . . . Mi ne Ni na ni iliñwi ya misipili yemituna.

⁴⁰ Ne nitilo ziba fo ne kuna ni butata. Cwale Na sepa, ka kweli ya Yenda, haiba Mulena alata, Na kona ku kutela kwani ni yo ba ni mukopano ni lika kaufela, kutwano yetezi, lika zeñwi kaufela, mwabona, mwa Africa cwale. Ne niilo fita kwatasi ayona ni ziba fo i fumaneha, ki sikamañi se ne si itatekile. Kwa halimu kwanu, neku ñozwi, yo una ni *sa* bata kubulela, mi *sa* kuli sina ni *sa* kubulela, ni *yo* fani. Taba yende ya kueza, ki kuli mu yo batisisa, mina kasibili. Mi Na ziba fo ne kuna ni butata, ni libaka lateni seo nelili sona; neli bakeñisa batu babañata bene ba kopani hamoho, muso ne u si ke wa ni lumeleza kuba ni zona.

⁴¹ Cwale haiba Baana ba Pisinisi ya Sikreste kamba katengo kaufela, kaka kona ku lumela kuli lukene, mi kipeto muso ona fani . . . kakuli ki katengo kaka yemelwa ki muso, muso ulumanga masole ku yo sileleza. Haiba ku ka ba baana baba mashumi amabeli ni ba ketalizoho kuzwa mwa kopano iliñwi, mashumi amabeli ni ba ketalizoho kuzwa ku yeñwi, niteni ha bana ku amuhela zani. Si lukela kuba toho—toho ya katengo ka. Mi Baana ba Pisinisi ya Sikreste ki ba katengo kakasina ketululo ka yemela likeleke kaufela. Muituti Simon, yena toho yabona kwani, muuna yomunde hahulu, Ni nani ku mubona ni amble ni yena. Mi ba sweli kunga mikopano, ni likeleke zeñwi kaufela za taha hamoho. Mwabona? Mi Na lumela lukaba ni iliñwi ya mikopano yemituna yekile ya ba teni mwa—mwa Africa.

⁴² Kono taba yaka neli ye, ha mu ziba kuli mu—mu lika kueza se si lukile, taba yapili ki kuli, haiba mu ikutwa kuetelelwa kueza sika sesiñwi, konakuli mu si tatube ka Linzwi mi mubone haiba si lukile ka Linzwi, konakuli musike mwa tuhela sika kaufela

ku mi paleliswa. Ha nina taba ka lisitataliso zeo diabulosi aka nepela mwa nzila, mina muzamaye fela fahalimwa zona.

⁴³ Ne ni bulelezi musala ka mi ne Ni bulelezi ni Muzwale Wood, hane Ni fitile kwanu, ni balikani babañwi bo ne Ni katani maabani: Ni bile mwendi ni myaha yeketalizoho kwanu yene Ni sa zibi sa kueza. Se kubile ku—ku ikalelwa... Mwabona, onaancafazo kasibili, mwahala likeleke, ne se i shwile. Mutu kaufela wa ziba cwalo. Mwa utwa cwalo mwa tabernakele mo. Mwa utwa cwalo kuzwa kai ni kai. Kuna ni maikuto, a kubata ko ku shwile. Kuna ni fela sika se si sika luka. Ki kabakala kuli ciseho ya ancafazo i zwile mwahala sicaba. Muye mwahala likeleke, mu ka ba bona bali kuina fani. Mi mulisana inza katazeha kufumana liñusa ni zeñwi cwalo. Mi taba yapili mwa ziba, ki ha sikuluhela ku za mukiti one ba kaba ni ona, kamba sesiñwi. Ku bonahala kuba ni maikuto a kubata ko ku shwile kai ni kai.

⁴⁴ Billy Graham uli lemuhibile; Oral Roberts. Bo Allen neba na ni butata nyana, sina ha mu ziba. Oral Roberts una ni miyaho yefeliz madollar alikana bolule baba mashumi aketalizoho, ni zeñwi ze cwalo, mwahali mwani. Una ni sikolo. Mi, kulukile, hakuna mutu mwa simu cwale.

⁴⁵ Ne ni zwile kwanu, ka pono, ku ya kwani kwa Tucson, ku yo bona sa na bata Mulena kuli ni eze. Ki Ha ni katana kwatensi kwani, sina ha Na mi bulelezi fa kuli Uka eza cwalo, mi mufuta wa Mangeloi a supa, mi ali uka kuta mi Maswayo a Supa na ka kwalulwa. Sani kona se ne si ezahalile fela.

⁴⁶ Mi ali, zazi leliñwi ni Muzwale Wood ha na tile kwani, ne luile kwa sibaka se si swana, ku yo posa licwe, se li kutafafasi, Yena ali, "Mwahala musihali ni busihu, wena ukaba..." Zeñwi, Ni libezi fela manzwi amañwi. "Uka bona kanya ya Mulimu."

⁴⁷ Mi zazi le litatama, kakundukundu ka taha kuzwa mwa mbyumbiyulu, mi lwa ziba likande lene li ezahalile. Ha ne ka ile mwa halimu, ne ba buzize kuli neli sikamañi. Se nili, "Ne ka bulezi manzwi amalalu, mwa kupanca kokutuna ko kulalu." Baana bani ne ba utwile fela kupanca. Ne ni utwisize ze ne Ka bulezi. Mi yali, "Katulo ikawela kwa neku la Likamba la Wiko!" Mazazi amabeli kasamulaho wa fani, Alaska neibatile kutiba. Ne ku na ni mishika kwani, lizikinyeho, lika kaufela. Mu li tokomele fela, zazi ni zazi, lizikinyeho linze li nyanganyisa kai ni kai.

⁴⁸ Mukopano waka wa mafelelezo, mukopano wa mafelelezo one Ni nani, le ikaba Liñusa la ka la pili, luli, kukutaza kuzwelela ona fani. Ne ni kutaza mwa Los Angeles, ili kwa Muyaho wa Biltmore, mi ne Ni ambola ka muuna ha iketela musali wa kunyala. Mina kaniti muna ni litapa la yona. "Ki," Ne ni bulezi kuli, "Si bonahala buino bwa hae ni za bata." Kuli, fo muuna haikungela musali, hanga musizana yomunyinyani, ni kuli abe musala hae; wa nga, mwa ziba, musizana wa kacenu

ma Ricketta baba zibahala bo manyakasilupi, si—si bonisa sa li ku... Haiba uka inyalela naluboyoyo yomunde kamba licanci leli itamaela fela, seo kaufela sili sona, si bonisa za hae, zona zeli ku muuna yani. Kono Mukreste, yena utalimanga buino sakata ku musali, kakuli unahana za lapa la kamuso ni musali yani. Wa nahana, wa ikungela mubaakanyi wa lapa. Mi ne Ni bulezi kuli, "Konakuli, Kreste, kuya ka Linzwi la Hae mo, wa lu bulelela seo Lapa la luna la kamuso mo li kabela. Ki musali wa mufuta mañi yo Aka keta he, lihule la kopano? Kutokwa! Uka keta musali ya na ni buino bwa Linzwi la Hae, mi yani ukaba Munyaliwa."

⁴⁹ Mi ha ne nisali kwani, Sesiñwi sa to ni tahela, mi Ne ni sa zibi ni sesikana ka mizuzu ye mashumi amalalu. Ne kuna ni bupolofita bo ne bu utwahalile. Taba ya pili ye Ni hupula, Muzwale Mosley ni Billy, Ne nili mwa mukwakwa, ni nze ni zamaya. Mi se Li li, "Wena Kapenauma, wena ya i piza ka libizo la Mangeloi," yani ki Los Angeles, muleneñi wa mangeloi, mwabona, ona mangeloi, "ya i pahamisa mwa lihalimu, uka kutiswa mwa butungi bwa lihele. Kakuli, kambe misebezi yemituna yeo neika ezwa mwa Sodoma, yona ye ezizwe ku wena, ne ika zwelapili kuyema ni kacenu." Mi zani kaufela ne li sa zibahali, ku na. Mwabona?

⁵⁰ Mi mo ne Ni kenezi fela ku za ku susueza, Kreste, ku Mu nanula ni ku bulelela keleke. Se nili, "Mina basali, hakuna taba ka mo Ni ka likela kutaha ku mina, kamba kukutaza ka kulwanisa lika ze; mi wena muuna, mina bakutazi; kamita mu tundamena ku pumiwa nako kaufela, kueza cwalo ka kuswana fela. Mu zamaya fahalimwa Lona inge kuli Linzwi la Mulimu ha ki sesiñwi."

⁵¹ Mi hane Ni ti lo u twisia sani, se Ni ya, Na li, "Kuna ni Liñolo kuamana sani kokunuñwi." Mi se Ni ya na yo fumana kuli neli Jesu, yana omanya Kapenauma inza li fa likamba la liwate. Busihu bwani ne Ni balile Mañolo. Na taha kwa ndu, natonga buka ya litaba za kale; mi Sodoma ni Gomora neli mileneñi yene—yene i konela ku zeñata, muleneñi o mutuna wa ba Macaba mwa lifasi. Mi mwa ziba, muleneñi wani, ka zikinyeho, watiba mwa Liwate le Lishwile. Mi Jesu a yema, ni kubulela kuli, "Kapenauma, kambe Sodoma na na ni misebezi yene ezizwe ku yena yona ye ezizwe ku wena, kambe u sa yemi ni kacenu. Kono cwale ulukela kutiswa mwatasi mwa lihele!" Mi mwendi kasamulaho wa myaha ye mianda yemibeli kamba mianda yemilalu ya sipolofita sa Hae, ni litolopo zani kaufela, yeñwi ni yeñwi ya zona i sa yemi konji Kapenauma, mi inzi mwatasa liwate. Zikinyeho ya to itibisa mwa liwate.

⁵² Mi he ka kupolofita, "Los Angeles u kaba mwatasa liwate." Mi Na taha kwa ndu, ni kuya kwa Africa. Mi hane Ni sali mwa Africa, ne ba nani zikinyeho. Mi ba sayansi... Mu iboni, ne i patatalizwe fa mazimumwangala, kuli mandu amañwi amatuna,

natilo tiba, mwa Los Angeles, ni hotela sibaka sa kufitela bazamai, ni zeñwi cwalo. Mi cwale ku na ni . . .

⁵³ Kuzwa ka zikinyeho yani, kuna ni miandala ye likana mainci a mabeli kamba amalalu yetile mwa mubu, kukalela mwa Alaska, ku yo fita mwahala Lioli za Aleutian, ki sibaka se si kona kueza limaele ze mashumi aketalizoho kamba mashumi a ketalizoho ka zepeli kukena mwa liwate, kukuta kwa San Diego; kunga ni siemba sa California, kamba Los Angeles, ni kukuta hape mwataswa siemba sa mutulo wa California kwani, sibaka nyana se si bizwa San Jose, ona kwatasi fela kwani.

⁵⁴ Mi mutu wa sayansi yo na sweli kubulela, ha nanza buziwa lipuzo. Ne lu sweli kubuha fa televishini. Mi ki hali, "Mwatasi mwani kuna ni macwe a pazauha inza sweli kubila." Mi ki ha bulela cwana, ali, "Sani ki siemba se si ka ketuha kwateni," mi ali, "mi si ka ketuha." Mi ni sibaka se- . . .

⁵⁵ Muuna yani, mutu wa sayansi inza buzaka lipuzo wa sayansi yomutuna, ali ku yena, ali, "Kulukile, sani kaufela sa kona kutiba nji?"

Ki hali, "Kukona? Si na ni kutiba ona cwalo!"

⁵⁶ Ali, "Kulukile, kakuli, ikaba myaha yemiñata, ñata luli kuzwa cwale."

⁵⁷ Mi ali, "Ikona kuba mwa mizuzu ye ketalizoho kuzwa cwale, kamba ikona kuba ka myaha yeketalizoho kuzwa cwale." U tomile fela myaha ye ketalizoho.

⁵⁸ Kono kuya fela kaniti sina mone Ni yemezi mwataswa Susumezo yani, neibeile katulo kwa Likamba la Wiko, mi ki ha i latelela kwanu hamoho cwale ni Los Angeles yana tiba, u i congile! Yani ki niti. Li ka ezahala. Lili? Ha ni zibi.

⁵⁹ Kono, oh, kiñi ze ne ezahalile? Mwa ziba, luna ni fela mafasi ka milulwani ye silezi cwale. Ne lu nani zesupa, yani ye ne nwezi kutiba mwahala Africa ni United States. Oh, ki za kale, mwa ziba ka zona. Cwale, haiba nji yani ya nwela, konakuli Ni bata kuli mutokomele he . . .

⁶⁰ Ye neli kutazo yene Ni kutilize ka yona, Na lumela, Muzwale Elij' Perry mwendi nali dikoni mo mwa keleke kwanu ka nako yani, kuya ka mo Ni zibela. Kono ne kuizwe, "Nako ika taha . . ." Ne ni sa li zibi kufitela musala Bo Simpson hane ba ni tiselize kutazo—kutazo zazi leliñwi. Mi ki ha Ni iñola mwa kabuka kakanyinyani, kuli, "Lihalaupa . . ." kuli, "Liwate li kaya kukena mwa lihalaupa." Fani neli myaha ye mashumi amalalu.

⁶¹ Mi, niti luli, ona Liwate la Salton mwendi ka liñokolwa ze mianda yemibeli mwataswa liwate, mi haiba macwe a pazauha ani a bila, mubu wani unzo miziwa mwahali cwalo, ka limaele ze eza mianda anda ye likanelela, mianda ni mianda ye likanelela ya

limaele inze itiba mwa mubu, sani ne si ka yumbela mañungwa mwa Arizona. Luli, neli ka eza sani.

⁶² Oh, lu kwa nako ya maungulo, hola ye kanya, ku bonahala kwa Mulena Jesu! Na ize, “Ku ka ba lizikinyeho mwa libaka zeñata, linako ze komosa, ñalelwa mwahala linaha, lipilu za batu lifelela mwa sabo.” Ali, “Fo lika ze halika kala ku ezahala, mu inule litoho za mina, kuliululwa kwa mina ku sutelezi fa kaufi.” Oh, mawi!

Linaha za ikaba, Isilaele wa zuha,
Lisupo zene babulezi bapolofita;
Mazazi a Bamacaba a balilwe, mi masimu a
lukisizwe;
Mukute haenu, O mina, baba yambaezi.
(Mubone kuli mwa eza cwalo!)

Zazi lani la kuliululwa li fakaufi,
Lipilu za batu lifelela mwa sabo;
Mutazwe ka Moya wa Mulimu, lilambi za mina
lituke mi limonyehe,
Mu inule litoho, kuliululwa kwa mina ku fa
kaufi! (Yani ki niti.)

Bapolofita ba buhata ba puma, Niti ya Mulimu
ba ilatula,
Kuli Jesu Kreste ki Mulimu wa luna.

⁶³ Mu boni siswaniso zazi leliñwi, mwa Na sikululezi siswaniso sani mwa matuko cwalo? Ni siswaniso luli sa Mangeloi ani a supa inza nanuhile mwa halimu cwalo, mu si fetulele kwa neku la silyo, mi kuna ni sifateho sa Mulena Jesu se si talimelafafasi mwa lifasi hape.

⁶⁴ Mwa hupula hane Ni kutalize ka za *Linako Za Likeleke Zesupa*, Ne ni sa utwisisi libaka Jesu hana yemi kwani inza apezi “busweu” kwa toho ya Hae. Nali fela mutangana Muuna ya likani. Na to si batisia mwa Bibebe, se ili, “Na fitile kuba ya Atezwi ki Mazazi, Yo milili ya hae neli ye mi sweu sina litwa.” Jesu nali fela wa myaha ye mashumi amalalu ka zetalu za kupepwa, ka nako ya kutakiswa kwa Hae.

⁶⁵ Ne ni bizize Muzwale Jack Moore, muituti wa za bumulimu. Yena ali, “Oh, Muzwale Branham, yani ki Jesu mwa siyemo sa Hae se si kanya.” Ali, “Kasamulaho wa lifu la Hae, kupumbekwa, ni kuzuha, A kutela ku ona.” Sani ne si utwahalile hande kuzwa ku muituti wa za bumulimu, kono ne sisika utwahala hande, ne si sika fita fateni.

⁶⁶ Ki ha niya kwani ku yo kalela fa keleke ya nako yapili yani, kwani Moya o Kenile wa li patulula. Cwale mu na ni zona mwa *Linako za Likeleke*. Na sepa kuli libuka li kazwa cwanoñu nyana fa cwale, ka kutala kwa zona. Mi ne ku bonisizwe kuli Jesu nali Muatuli. Kuna ni kuwani ye sweu yene ba tinanga, kuipeya kuwani cwalo ni kuitina sina muatuli, England isaeza cwalo ha

mu ya kwa kuta yetuna. Mi sani ha si fetulwa neku leliñwi mwa siswaniso se, ki Yani fani, milili ya Hae ye minsu, mwa kona ku si bona mwa matuko a mulelu wa Hae, mi kuwani yesweu cwalo. Ki yena wa mafelelezo kwa mata, Yena u Pahami kwa Mata. Nihaiba Mulimu nabulezi cwalo, yena Kasibili, “Yo ki Mwana ka Ya latwa, mu Mu utwe.”

⁶⁷ Ki Yani fani ni Mangeloi ani, ona Liñusa, ze neli ku mamulwa kwa limamatela zani zene patuluzi *peu ya noha* ni lika zeñwi ze mwateni. Mi lubonisa kuli ki ku apala kwa Hae tota, ki—ki Mata a Hae Amatuna. Yena ki Yomutuna, mi U apezi kuwani, kamba—kamba kutina. Bibebe i bulezzi kuli Na cincize sifateho sa Hae, kamba Na icincize yena Kasibili, *en morphé*. Linzwi leo lizwa mwa Sigerike, *en morphé*, le litalusa kuli mubapali wa Sigerike ya bapala mwa liemba zeñata; kacenu ki sika sisili, mwa papali ye tatama ki sika sisili. Na li Mulimu, yena Ndate, mwa papali iliñwi; Mulimu, yena Mwana, mwa papali yeñwi; mi ni Mulimu, ona Moya o Kenile, mwa papali ye. Mwabona? Ki Yani fale, Linzwi la Hae li sa li le li Mata. Lu pila mwa mazazi a maungulo.

⁶⁸ Fa kukuta kuzwa kwa Africa zazi leliñwi, Ne ni katezi. Mwa bona, neli fela ka nako ya busihu kwani cwale, mi muna ni kupotoloha. Mi nako ye ne Ni sweli kupotoloha, ni kukuta hape. Ne luna ni musipili o monde, musipili wa ku zuma, ulimuñwi wa misipili yeminde ku ye Ni kile na ba ni yona mwa bupilo bwaka. Mi Billy una ni maswaniso ateni, mwendi hakaba ni nako uka abonisa kokuñwi, ni ku mi bonisa musipili.

⁶⁹ Ne ni bile ni tolo. Na kamita ni lolanga za kukutela kwa Public Service Company, fokuñwi. Kacwalo Ne—Ne ni hupula kuli Ne ni sweli ku ikumbuta musebezi, Ne ni swanela... Ne ba ni tuhezi fela kuba ni nzila yaka, mi Na hupula kuli Ni ka... Mwa sibaka sakuli ni ye kwande ni yo zamaya kwa mufohola kamba kulifisa masheleñi a mitelo, kamba sesiñwi se ne Ni lukela kuezahala, Na se nili, “Kulukile, Ni mucaindisi wa musebezi ninosi,” Mi se niya fela ku yo tapa. Mi ki ha Ni ya kwani ni kutubula... litino ze, ni kuapala libyana zaka za kutapa ni zona. Ne nili fela ninosi. Mi Na hupula, “Bulela, se ha ki sesinde, kampani... Wo ki musihali, kampani ika ni lifa ka nako ye.” Na hupula, “Sani ki se si nca.” Mi ki ha Ni hupula kuli, “Kulukile, masheleñi o Ni kopanyize mwa musipili...” Ne ni na ni sibeli sa kupotapota ni musipili ku likopanya hamoho, mi se Nili, “Kulukile, masheleñi o Ni kubukanyize, Ni ezize sesiñwi, ni sweli kumbambala kwanu; Ni latehezwi ki matikiti aka kaufela, mi Ni na ni masheleñi a zona a kopani hamoho. Cwale Ni ka ziba cwani ya lifile mutelo?” Na hupula, “Ki kuli fela Ne ni sa isezi ngana kwateni ni hanyinyani!” Na hupula, “Sani ha si sika luka. Kuna ni fela nto iliñwi ye ni lukela kuezza, yani, ki ku kutela ku muzamaisi wa ka ni yo mubulelala.” Yani neli Don Willis, se Nili, “Don, Ni latile matikiti ani. Cwale ki a masheleñi kaufela o Ni

nani, mi ki a masheleñi a ona, hamoho. Asiye fa ku mubuluki wa sikkwama. Mi sicaba, ha ba kena mwahali, ba ka ba ni pampili ye paka kuli Ni amuhezi mitelo ya bona.”

⁷⁰ Ka niti sicaba se si inzi kwanu se Ni—Ni . . . Na ziba bani. Bene Ni amuhezi mwa—mwa mazazi, mi ne Ni ka . . . mi ne Ni ka bafa pampili ya bupaki bwa tifo. Mwa ziba, neli fela mapesenti a lishumi haiba mutuhela kuli mutelo wa mina upahame. Mi mwendi, ki dollar ni licika, ikona kuba masenti a lishumi ka ze ketalizoho fa halimu. Buñata bwa sicaba sani mo ne bapilela . . . Ne lu tabela fela kuba hamoho ni kuambola, mi ne ba tuhelanga fela mitelo yabona inze i pahama, mi kipeto na taha ku to ambola ni bona fa nako nyana. Kubafa masenti a lishumi ka ze ketalizoho, mwa ziba, kuinafafasi ni kuambola fa nako nyana, ni kunga mitelo ya bona. Kacwalo ki ha i ya i pahama, ni kuba fela mitelo ye miñata hahulu kuli se Ni palelwa ku inga.

⁷¹ Kulukile, Ne ni hupuzi kuli yani kona fela nzila inosi mone Ni ka ezeza. Mi se Ni zuha.

⁷² Sibaka ko lupila, Kezeli Larson, ha Ni sepi kuli uteni mo, ubile yomunde hahulu ku luna; mi ha tabelanga kuli ni bulele cwalo. Kono yena ki kalibe yomunde hahulu, mi lubile lupila mwa mandu a hae. Una ni mandu amabeli, mandu amanyinyani hamoho, ne lu itusisa ona amabeli lu nze lulifa. Mi musala ka ni Na ne lu lobalanga kwanu mwa—mwa ndu yeñwi ko ne Ni amuhela batu ha Ni kona, mi kuna ni mimbeta ya batu bababeli mwahali mwani.

⁷³ Ki ha ni zuha. Yena na sika zuha kale. Mi kasamulaho nyana, sa zuha. Mi se Ni mu kobeta, mi atalima kwa mulaho ni kukobakoba meto a hae fa nako nyana. Se nili, “U lobezi hande?”

Yena ali, “Batili.”

⁷⁴ Mi se Nili, “Ni bile ni tolo ye maswe. Ne ni kutezi kwa Public Service Company hape.” Se nili, “Kiñi se Ni ezize?”

⁷⁵ Na hupula, kakuba mushimani yomunyinyani, kamba mutangana, ne Ni zamayanga misipili yani kaufela kwa Salem, Indiana, ko ku shutana . . . Ne ni kenanga mwahali, kuleka mu—mu kushuko, mwendi mukeke wa likobe. Mwa lizazi lelicisa lani ni lika kaufela, mi ne li ni kulisanga, kuca mukushuko. Ne ni ka ba ni masenti a lishumi, kwa mali aka a manyinyani. Muzamaisi ataha mi ali, ali, “Mwa ziba se ne ba bulezi mwa—mwa mukopano? ‘Ki mañi ya kona kufetula masenti a lishumi ani, kuba mukushuko?’” Ali, “Ulukela ku tisa mwendi masenti a mashumi a ketalizoho” Cwale, mina kaufela mwa ziba, masenti a mashumi aketalizoho neli mukushuko o mutuna mwa mazazi ani.

Mi se Nili, “Kulukile, Na ha ni ci hahulu.”

Na ize, “Kulukile, baba siyezi kaufela batisa masenti a mashumi a ketalizoho. Mu lukela kutisa masenti a mashumi a ketalizoho.”

Se nili, “Kulukile, Ha ni itusisangi zona.”

Se nili, “U li tise, nihakuba cwalo.” Yani neli muzamaisi wa ka.

⁷⁶ Kulukile, Na hupula, “Kulukile, ki sikamañi se Ni lukela kueza? Ni lukela ku lifisa masenti a mashumi a ketalizoho, mi Ni canga masenti a lishumi.” Kacwalo ne Ni yanga kwande mwa mukwakwa ni kunga bana bene basina mukushuko, ni kunga masenti a mashumi amane ani alikana ni sico sa mukushuko.

Kacwalo he Na hupula, “Kulukile, ki sikamañi . . . Mwendi sani kona Sa ni lwanisa ka sona.”

⁷⁷ Mi Na hupula, kwanu ha ki kale hahulu, neba tahanga mwahala misipili, banze ba katezi kwa mandamino kwani, mi bali, “Amu ise kafo mitelo yamina.” Mwa ziba kuli bana ni litukelo za misipili yani, kono ba lukela kulifa bakeñisa businyi.

⁷⁸ Ne ni ñozi fela ni kubulela kuli, “Mina ha muna sikoloti ni se sikana.” Na hupula, “Zani ne li kakona kulifa masenti a mashumi amane. Mwendi Ni itusisize ma dollar a mashumi amabeli kamba amalalu ka nako yani, ku af a kwa banana. Mwendi zani lika kondisa.” Ne ni zwezi pili kulola.

⁷⁹ Mi Ne ni na ni kota yetuna kwani, banana ne ba sweli ku bapalelanga mwatasi ayona, mi muzamai . . . Cwale ba zamayanga mwa helikopita. Mi kacwalo ki ha kena mwahali mi ali, “Billy, kucwani he ka kulema kota yani?”

⁸⁰ Se nili, “Batili, musike mwa ilema. Lu ka itukisa.” Se nili, “Muzwale Wood ni Na luka itukisa.”

Ali, “Kulukile, Ni ka tokwa kuli muuna yani atahe ato itukisa.”

Se nili, “Cwale, musike mwa ilema.”

Ki hali, “Ha ni na ku ilema.”

⁸¹ Ne niile mwa musipili. Hane Ni kutile, na pumezi mwa mubu. Mi ne Ni na ni kuipapata kone kutaha, mwa bona. Ne niize, “Kulukile, Mulena, se si ka si kondisa, Na ziba.” Kacwalo Na nata sani kwateni, sani ne si li hande, mu si tuhela fela. Kulukile, Ni zwezipili ku li lolanga.

⁸² Ha ne Ni zuhile kakusasana omuñwi, Ne niize, “Kulukile . . .” Taba yapili yo lueza kakusasana ha lu zuhang, ki ku lapela hamoho, mi ni ku lapela ha luya kwa misiyo busihu. Mi cwale kasamulaho ha naile kwa mukushuko wa banana, Ne ni kalile ku lapela. Se nili, “Mulena, Ne nili mucaha ya maswe. Ki sikamañi se Ni ezize mwa bupilo bwaka, kuli ha Ni—Ni koni kuzwa kwani kwa Public Service Company.”

⁸³ Ne ni ke ni mwahali ku yo tapa, ni ku zwela fande. Mi sesiñwi ne si ti lo bulela kuna, "Mwendi Ni ikumbuta musebezi wa *Hae*." Na sepa, "Kwanu seli myaha ye ketalizoho ye Ni sika eza sika ni sesiñwi, ni nze ni libelela ku *Yena*."

⁸⁴ Ni nze ni yemi fani zazi leliñwi. Ne ba luyahezi ndu yenca kwani, mi Muzwale Mosley ataha kwani, abulela ka zona. Se nili, "Yani ki mpo ye nyinyani fela yezwa ku Ndate." Mi akala kulila. Se nili, "Mwa bona, Yena ali, 'Haiba mu ka itoboha minzi yamina, mandu, masimu, bondate, boma, Ni ka mi fa mandu, masimu, bondate, boma, ni ze mwanda mwa bupilo bo, ni Bupilo Bobusafeli bo bu taha.'" Se nili, "Mwabona, Ne ni na ni kuzwa mwa tabernakele yene Ni lata hahulu. Munzi waka wa na ni file Mulena fa halimu fani, ne ni na ni kuusiya. Na ni file fela iliñwi kwanu." Se nili, "Yena ki yomunde, mwa bona." [Hakuna manzwi fa tepu—Mu.] Mi akala kulila.

⁸⁵ Kulukile, Na—Na li, "Ne ni na ni kutaha kwanu ni ku ikambusa, kutaha kwa lihalaupa." Mi Na hupula, "Kiñi Mulimu ha na ka ni tisa kwa lihalaupa, ona kwanu ko kusina lika kwanda tubanze ni bingololina mwa Mukulo?"

⁸⁶ Ha ki lihalaupa fela, kwa cisa, kono ki lihalaupa la moya. Oh, mawi! Ha ku sana bupilo bwa moya ni hanyinyani, mwa likeleke, ba lwanisa . . . Kiñi, ha mu sa bona bupilo bo bu cwalo mwa bupilo bwa mina! Haluna nihaiba keleke kwa kuya, kamba kutokwa. Mi cwale hane . . . Sicaba ne si li bu kaufi ni kushwa, ka moya. Na lemuha cwalo mwahala sicaba se ne sitile kwani, kubona shutano mwahala bona, ku li talima.

⁸⁷ Mi kacwalo muine mwataswa Moya wa Mulimu, mi bupilo bwa mina bukaba bo bu munati, bo bu bunolo, sina mezi mwa meliseza bucwani bo ni lituhela ze bunolo. Haiba . . . bucwani bo, mwa Arizona, habukoni kumela; likota ze likona kuba miutwa, matali ani aka colomoka fela ni ku tabaka. Yani kona nzila ya teni hamuba baba omile mwahala keleke, mutu kaufela utabaka yomuñwi, mwa ziba. Mi, mwabona, mu lukela kuba ni mezi a bunolo a pula kuli a mi bise bunolo, ni kupanga matali ni kufa muluti ku muzamai ya li mwa musipili.

⁸⁸ Mi kacwalo Sesiñwi sali ku na, "Mwendi musweli ku ikuhumuseza musebezi wa Mulimu." Kacwalo, Na lapelela pono.

⁸⁹ Mi Meda na sa zo ni lekela fela Bibele yenca; mi Muzwale—Muzwale Brown, kuzwa kwani kwa Ohio, ani lekela Bibele yenca; sibeli sa zona ka nako yeswana, kala Kilisimasi. Ne niile mi na yo i kungela iliñwi ya li Bibele ze nca. Na li, "Mulena, mwa mazazi a felile, No nani Urim Tumimu."

⁹⁰ Cwale a muteseeleze, mutuhele ni bulele cwana. Kakuli, ha ki za . . . se, habeyi manzwi a fa tepu mwa mukopano wo, libaka le Ni buzeza . . . kubulela cwana. Mutuhele ni bulele, musike mwa eza se. Ku na ni sika sesinde.

⁹¹ Kono se Nili, “Mulena, ne ku banga kuli, fani muloli ha na lolanga tolo, ne ba iisanga ku Urim Tumimu, ni ku yo ibulela. Mi haiba—haiba Urim Tumimu i monyeha liseli cwalo, Liseli la buipiteli, kipeto tolo ki ya niti.” Na li, “Kono buprisita bwani ni yona Urim Tumimu zani lifelile. Bibele ya Hao kona Urim Tumimu cwale; Mulena, Ni si ke na eza cwalo hape. Kono Ni kupile ku Wena ni ku lapela ku Wena, ku ni fa pono, bulela kuna ka libaka le Ni lolelanga litolo ze. Mi ki sikamañi se Ni ezize? Haiba Ni fosize, haiba Ni ezize sika kaufela ku mutu kaufela mwa lifasi, tuhela kuli ni zibe. Nika—Nika—Nika yo si lukisa. Haiba Ni koletezi ba Public Service Company, haiba Ni ezize sesiñwi se si fosahalile ku bona kamba mutu kaufela usili, haiba Ni ezize sesiñwi se si fosahalile ku Wena, tuhela kuli ni zibe. Ni—Ni bata ku lukisa.”

⁹² Ha lu li lukiseni ona fa, cwale. Musike mwa libeleta konji kasamulaho nyana, ikona kuba ka kulieha. Ha lu ezeñ zeo cwale.

⁹³ Mi se Nili, “Luli, kuna ni sesiñwi mwa Linzwi la Mulimu le, kuzwa Genese kuisa Sinulo, kuli batu babañwi mwahali mwani ili bo No ambozi ni bona, ne ba kaba ka buino bo bu swana mi yani kona puzo yaka. Haiba mutu uezize sika, mi—mi u Mu latelezi ka sona, kona kuli ni lukela ku sikuluhela kwa sibaka sani mwa Bibele. Mi haiba mutu, hakuna taba ka ze ba ezize kaufela, si ka ba mwa nzila yaka. Ko Ni fosize, kamba sika So bata kuli ni eze, kamba se ni si ka eza, ni lukela kubona batu babañwi mwa Bibele sina cwalo.”

⁹⁴ Mi Na kwala meto aka, kuto fumana fela Bibele i kwaluhile, na to beya munwana waka fa Liñolo, Genese 24:7. Elieza, mutanga wa Abrahama ya sepahala, mufuta wa mutanga wa mwa Bibele, yana lumilwe ku yo zuma munyaliwa wa Isaka. Masisi a ni tahela. Luli, zani kona za ka . . . yani ki niti ka zeñwi za Liñusa laka, kucomola Munyaliwa.

⁹⁵ Ki hali, “Ukonke kuli ha una kunga munyaliwa yazwa mwahala ba, kono uye kwa sicaba sa hesu.”

Yena ali, “Kucwani he haiba musali yo ahana kutaha ni na?”

⁹⁶ Ali, “Kona kuli uka lukuluha kwa buitamo bo.” Yena ali, “Mi Mulimu wa Lihalimu uka luma Lingeloi la Hae fa pila hao, kuku zamaisa.” Ki ha ya ona cwalo ni kukala ku lapela, mi a katana Rebekah yomunde yana tiloba munyaliwa wa Isaka.

⁹⁷ Ki Liñusa fela le lipetehile, ku kutela kwa Linzwi, “Uye onga Munyaliwa yani!” Wani ki musebezi. Zani kona ze Ni bezi teni. Zani kona ze Ni lika kueza, ki kubiza Munyaliwa.

⁹⁸ Muhupule mwa California kwani, lipuzo zani za Munyaliwa, mubonahalelo wa makalelo, Ne ni nani ona kwanu. Ka mwana tahela Munyaliwa yani pili, ni ku Mu bona hana nza ya. Mi kiha kutaha Mama America, Mama Asia, ni bani kaufela, oh, sika se si bonahala kusabisa hahulu! Mi cwale Munyaliwa ya swana afita

hape. Alimuñwi wa bona nazwa mwa muzamao, mi Ne ni sweli ku Mu kutiseza mwa muzamao; bababeli ba bona, ni taluse. Mi sani kona se ne Ni lukela kueza, ku buluka Munyaliwa yani wa muzamao, ku zuma muuna yani.

⁹⁹ Se nili, “Mulimu, Na kutela hape kwa hae, ku yo ncafaza buitamo bwaka hape, ni kukala sinca.” Kacwalo sani kona se lu lika kueza, sani kona se Ni bezi kwanu.

¹⁰⁰ Na sepa neikaba taba yende hane lu ka eza cwalo, kukala ka la eitini, sunda yetaha, la Sunda lelitatama kakusasana, la Sunda lelitatama busihu; ona la Sunda lelitatama, ni la Sunda lelitatama. Ki babakai baba hupula kuli yani ikaba nto yende? [Puteho ili, “Amen.”—Mu.] Ni itumezi.

¹⁰¹ Cwale Ni bata kuli mu ni ezeze sika sesiñwi. Haiba muzibisize batu kuli kukaba—kukaba ni mukopano ka la twenty eiti, mu bazibise cwalo hape, kuli lipalezwi kueza cwalo. Mubulele, mu ba ñolele liñolo, kamba sesiñwi se si cwalo. Ha lu lati kuli sicaba si yo taha mi si to swaba, kono lupalezwi kufumana muyaho.

¹⁰² Mwabona, ha lu sika kona ku ufumana. Mi kacwalo kakuli mukopano ofelile Na sepa ne lu na ni babañata hahulu kwani, ni lika kaufela, bakonile fela . . . Mwa ziba mo si inezi sicaba, mi bona . . . Kulukile, lupila fela mwa mazazi a maungulo, ku felile. Mi ba bulela kuli sicaba ha sitahanga sa lyanganisanga sikolo, mi ne ba itahanezi hahulu, mi ba eza *se*, kamba *sani*, kamba sesiñwi fela, mi sibaka sesitezi kufufula, mi mapalisa ba ezize *se* ni *sani*. Mi, kulukile, mwa ziba.

¹⁰³ Kacwalo luka toma Manaka ani ni Litolombita zani, Ni bata ku litomahanya mwateni. Ne ni mi bulelezi kuli Ni ka eza. Litahile mwataswa nto iliñwi. Kacwalo kona mo ku tahela ni Manaka ani, muhuwo wa litolombita; kono lu bata kunga palo kaufela hande ku itatulula hande, ni ku i tahisa, ku li tama hande hamoho.

¹⁰⁴ Ki babakai baba balile zeñwi za Muzwale Vayle, ka kuñola sinca zani, ni ku ni beela yona ka sikuwa sesinde? Kana mu balile siemba sa yona? Mu ezize, bababeli kamba babalalu ba mina. Na sepa mu ezize musebezi o mutuna hahulu, Muzwale Vayle, musebezi o monde luli! Mina, Ni sepa Kezeli ki yena Vayle yana ezize cwalo; mi muñazi fela zani. Yena—yena nali fela . . . Mwabona, Na ha ni lwanisangi basali kamita, kana Ni cwalo, Kezeli Vayle?

¹⁰⁵ Kacwale cwale halu, ka mizuzu ye lishumi ka iketalizoho ye tatama, mizuzu ye mashumi amabeli, lubale Liñolo fa.

¹⁰⁶ Mi Ni na ni kabuka nyana fa. Ni bulezi, Na lumela, neli ku Muzwale Vayle, kamba, neli mañi yani, kamba Ni sepa kuli neli Roy Borders. Muzwale Vayle na ni lekezi buka. Ni bata kupanga kabuka nyana.

¹⁰⁷ Kono haiba yomuñwi na ka kona ku talima ku se Ni bizanga kuli ze ñozwi za buitukiso! Sina ha Ni bata kukutaza ka za Naleli ya Lilungwe, Ni ka swanisa naleli. Mi haiba Ni bata kukutaza sesiñwi kuamana . . . Ni li ezanga ka lisupo mo, kusilinga, hakuna mutu ya kona kuziba kuli neli sikamañi. Ha Ni banga kusili, mi Ni nahana taba yeñwi, Ni lukela kueza, ka kupahama mwa mukwakwa, fokuñwi mwendi mota ya-tula-tula, kipeto Na ñola sesiñwi cwalo, ni kubulela *se ni sani*, ni kueza lisupo nyana, ni lifapahano ni mitano, ni—ni lika za mifuta kaufela. Sina ha Ni bata kukutaza ka za Naleli ye shetumuka; mi Ni ka beya mundandwe o pahama, ni uswanise fa mi ni kubeya maneku a ketalizoho ko kusupile naleli ya Davida inze i taha fateni. Mi Na ziba ko Ni ya mwa Mañolo sina cwalo; mi Mushe, taba yeñwi yana ezize. Naezize fela masupeza nzila amanyinyani, cwalo.

¹⁰⁸ Ni na ni zelikani zateni fa. Mi Na hupula, kakusasana cwana, kwa mulaho kwani ha Ne ni nahana kuli Ni ka ambola fa tuto ye mwa mizuzu ye likani kwanu, fa kapampili, mwendi ika ni tanda mizuzu ye mashumi amabeli.

¹⁰⁹ Mi he ha Ni na kunga sebelezo ya Muzwale Neville busihu bwa kacenu. Ni—Ni—Ni ka ikatulusa busihu bwa kacenu, ni teezeza ku yena.

¹¹⁰ Mi cwale, haiba Mulena alata, la Sunda yetatama kakusasana lu ka kala sebelezo. Mi mina kamukana mu ni tuse, mi lu ka lapela, kakuli neli mwa pilu yaka kulika . . . Ne baize, “Kulukile, ne lu kaya kwa Louisville kamba ne lu kaya mwani kwa New Albany.” Kono mukopano no lukela kubela kwa Jeffersonville. Ni ka ya kwa Louisville ni New Albany, ka linako ze shutana, kono wo ulukela kubela kwanu kwa Jeffersonville.

¹¹¹ Cwale halu inamiseni litoho za luna fa muzuzu fela halunze lu sweli cwalo . . . Ni bile ni bulela ku mina seli mizuzu ye mashumi amalalu. Ha lu buleleni ku Yena fa nako nyana.

¹¹² Mulena Jesu, luna—luna kaniti lu sicaba se si fuyozwi, kufitelela minahano ya luna, kufitelela kutwisiso ya luna. Kakuli, kambe ne kukaba muika mwahala luna, ya swana sina muyemeli yomuñwi yazwa kwa naha yeñwi, kamba ndumeleti ka mufuta wani, ne luka hupula kuli ki nto yetuna kuba ni muika ya cwalo mwahala luna. Kono kacenu luna ni Mulimu wa Lihalimu, isiñi fela mwahala luna, kono mwahali ku luna, uyahile, upila Bupilo bwa Hae kufitela ku luna. Mi luitumela hahulu ka se, Mulena! Si fitelela kutwisiso ya luna, hamoho cwalo.

¹¹³ Kono cwale kuambola ka lisebelezo, ni kuya kwa Africa, ni lika ze lu likile ku lukisa ka mazazi amanyinyani a mo mwa Indiana. Mi ka buino bo kamba bwani, Mulena, haku lata ki Wena ya luisa kwa tende yani, kueza kuli pono yani italelezwe. Kacwalo kuizwe tato ya Hao, lu ibeile ka mukwa wo, ili bunde bwa kutwisiso ya luna. Kacwalo lwa lapela, Mulena, haiba kuna

ni sika kaufela se si shutana kwa tato ya Hao, U si zibahalise ku luna, kuli lu kone kuziba kueza tato ya Hao ye petehile.

¹¹⁴ Cwale lu fuyole mwa mizuzu yetatama ye likani ye. Bulela ku luna ka Linzwi la Hao, Mulena, kakuli Linzwi la Hao kona Niti. Lwa li kupa ka Libizo la Jesu. Amen.

Halu apuleñi li Bibele, ku Mareka, kauhanyo yabu 8.

¹¹⁵ Ki nako mañi ye muzwanga ka yona, twelufu kiloko? [Yomuñwi uli, “Kwa ma twelufu kiloko cwalo.”—Mu.] Ku lukile. Cwale, cwale ki Liñusa lelikuswani fela fa le Ni kona kuambola ku mina kuamana Linzwi, kasamulaho wa kufa bupaki kwani, ni zeñwi cwalo.

¹¹⁶ Mareka, kauhanyo yabu 8, mi lukalele ka timana yabu 34, kuisa ku yabu 38, kunga yabu 38, amañwi a kauhanyo yani. Ni tabela kubala sa Na bulezi, kakuli Ni ziba yani kona niti. Cwale lwa . . .

Cwale asino biza nyangela hamoho ni balutiwa ba hae, ali ku bona, Mutu ha lata ku ni latelela, haisi kuli aitobohe, mi alwale sifapahano sa hae, mi ani siyale mwa mulaho.

Kakuli mutu kaufela ya lata ku pilisa moywa hae uka sinyehelwa ki ona; . . . kono yaka sinyehelwa ki moywa hae kabakala ka ni la evangeli, u ka upilisa.

Kakuli ku ka tusañi mutu, ni ha ka luwa lifasi kamukana, mi asinyehelwa ki moywa hae?

Kamba ki sikamañi sa ka fa mutu kuli aipumanele moywa hae?

Kakuli mutu kaufela ya ka ni swabela na ni manzwi aka mwa lusika lo lwa babuki ni baezalibi; Mwana mutu ni yena u ka mu swabela, ha taha mwa kanya ya Ndate ni mangeloi a kenile.

¹¹⁷ Ni bata kunga toho ya taba nyana kuzwa fani, haiba ikona kubizwa cwalo, kuli: *Kuswaba*. Mwa ziba, Na lata sani. “Mutu kaufela ya Ni swabela na ni Manzwi Aka, Ni ka mu swabela.”

¹¹⁸ Cwale, linzwi lelili *kuswaba* likona kutolokiwa hape kuli “kuswabisiwa.” Mwa ziba, sika se mu sweli ku . . . Mu talimani ni sesiñwi se mu swabile ka sona, kuba ya swabile.

¹¹⁹ Sani, sesiñwi seo *kuswaba* kutisanga, si bonisa kuli ha muzibi hande se mu ambola fateni. Haiba mwa ziba se mu bulela fateni, ni kuli mu na ni bupaki bwa kuli mwa ziba se mu bulela ka sona, mwa kona ku bulelela mutu kaufela cwalo; ha mu si ka swaba. Kono ha mu ikutwa kulelekwa, ya si ka lukuluha, ku bonisa kuli ha muna niti hande.

¹²⁰ Mulemuhe kuli ku na ni zeñata ze cwalo kacenu, sihulu ka tuto ye Ni bulela ka yona, “*kuswaba kabakala Linzwi*.” Cwale, Yena ni Linzwi za swana.

*Kwa simuluho ne ku na ni Linzwi, mi Linzwi nali ku
Mulimu, mi Linzwi nali Mulimu.*

*Mi Linzwi a ezwa nama, mi a to yaha ku luna, . . . Ya
swana maabani, kacenu, ni kuyakuile!*

¹²¹ Kacwalo, “Mutu kaufela ya Ni swabela ni Manzwi a Ka,” mi Yena ni Linzwi la Hae ki Alimuñwi, kacwalo ku swabela Linzwi la Hae mwa lusika lo, lwa kacenu, “Ni ka mu swabela nina.”

¹²² Cwale lwa lemuha kacenu, haiba mutu ubulela kuli, “Kana—kana u Mukreste nji?” Ki taba ye zibahala hahulu, kuli, “Oh, Ni Mukreste!” Mwabona?

¹²³ “Kono kana wa lumela Linzwi la Mulimu, fo Li bulezi kuli, ‘Limakazo ze li ka ba latelela ba balumela?’”

¹²⁴ “Oh!” Nihaiba lifateho za bakutazi lika benya ka mipende. Mwabona?

¹²⁵ Kana mwa swaba, lu bulele, kaza foliso ya Bumulimu? Kana mwa swabela Evangelisti yetezi nji? Kikuli mwa swabela kutwisiso ya mina ya pentekota? Fo ki ku swabela Linzwi la Hae. Lani ki Linzwi la Hae le litahile mwa nama ku mina.

¹²⁶ Kacwalo, Linzwi la Hae lilukela kupila Lona liñi mwahala lusika ni lusika. Ne li pilile Lona liñi mwa mazazi a Mushe. Kakuli, mwa lizazi lani, Bibele i bulezi kuli, mwa Maheberu, kauhanyo ya 1, “Mulimu, mwa linako za kale ni ka linzila zeñata nabulezi ni bo ndata luna ka bapolofita.”

¹²⁷ Mi bapolofita bani! Keleke neibeile mwa kulyangana hahulu kuli mane . . . Bapolofita bani, linumwana za Mulimu zani zene sina boi, ne litaha kusina keleke, kusina kopano, kusina katengo, kusina sika kaufela; malena baba hatelela, mibuso, likeleke, ni lika kaufela. Fani baprista hane batiswa fa pila . . . Ne batiswa fa pila baprista, ne ba sa swabi, kakuli katokomelo neba nani KISONA SA BULELA MULENA.

¹²⁸ Haiba mwa lemuha, mupolofita, mwa pulelo yeñwi ya manzwi, mwa Testamente ya Kale, fani ha Na ize kuli KISONA SA BULELA MULENA, cwale mu mulemuhe, ukena mwa mubulelelo wa kunga sibaka sa Mulimu. Mulemuhe, fani hana tomile fa pila hae, KISONA SA BULELA MULENA, awela fa pila Mulimu, mi aeza sina Mulimu. Mi ki ha fa Liñusa la hae, yanali Mulimu yana bulela kufitela ku yena, “KISONA SA BULELA MULENA!”

¹²⁹ Ni hupula ka bapolofita ba kale, ha ne batile ni Liñusa lani, mi ne Li swabiswa malena, mi ne Li beya sicaba mwa kusa lukuluha. Baprista, niteni, ne ba ka ikutwa ku sa lukuluha, kakuli neba lukela kuba baeteleli, baana ba bulapeli, mi hane ba . . . Linzwi ki la litaha ka mukwa wani, Ne li batisize fa ngandaleza, mi ba ikutwa maswabi, kamba kuswaba.

¹³⁰ Mi linako zeñata lwa bonanga zani, isiñi zeñata, sihulu hañata kacenu! Muuna yani, mu li, “Ni Mukreste!”

“Kana u amuhezi Moya o Kenile kuzwa nako yo lumela?”

“Oh! Huh!” Mwa bona, bona ba—ba swabile ka Zona.

¹³¹ Yomuñwi uli, “Kikuli u wa siemba sa sikuwata sani fa buse fani sani se si ezanga lilata lani kaufela, ni litaba za foliso ya Bumulimu yani?” Linako zeñata, Bakreste ba kutanga mwa mulaho.

¹³² Ba bata ku zibahaza, haiba—haiba ba na ni kopano, cwale, “Ni wa Baptist. Ni wa Presbyterian. Ni wa Lutheran.” Ha ba swabeli zani.

¹³³ Kono ha li taha kwa neku la kuba Mukreste ya kona kunga Linzwi la Mulimu ka mo Li inezi, kona kuli ba—ba—ba swaba. “Na ha ni wa kopano ifi kaufela,” mwabona, bona, kiya—kiya swabile kwa kubulela cwalo. Ulukela kuba sina baba siyezi ba lifasi, ku yemelwa ki kopano yeñwi.

¹³⁴ Cwale, sani ne si ti lo taha fela mwahali mwani. Mwa mazazi a Luther, kuipiza wena muñi kuba wa Lutheran kamba mulateleli wa Luther, kulukile, ne ku talusa lifu ka keleke ya Katolika. Mwa mazazi a Wesley, kuziba kuli ne mu hanyeza keleke ya ba Anglican, neli koto yene kona kuisa lifu ka ma Anglican, ku zibahalisa kuli ne muli ba Methodist. Mwa mazazi a Pentekota, neli maswabiswa, kuli mane, ku bulela kuli nemuli—nemuli wa pentekota, kakuli ne mu ka baliwa kapili kuli mu bapikuluhi baba kenile, kamba—kamba ya bulela ka malimi, kamba sesiñwi se si cwalo. Cwale ne ba ikongakongile ni kukena mwahala likwata zeñwi.

¹³⁵ Cwale nako ya ku bizezwa kwande ha i taha, kuli ha mulukeli kuba ba siemba sa zona kaufela! Ki taba ye zibahala hahulu kubulela kuli, “Ni wa Pentekota.” Ki taba ye zibahala hahulu kubulela kuli, “Ni wa Presbyterian. Lutheran.” Kono kucwani he hakutaha nako ya kuli uzwe mi uyemele Linzwi, “Ha ni wa siemba sa ifi ya zona kaufela”? Kuli, sa swabiswa.

¹³⁶ Jesu naize, “Cwale, haiba mwa Ni swabela, konakuli Ni ka mi swabela.” Ki kabakalañi Ha ka mi swabela? Kakuli mu i papata kuba ba Hae, kanti mupalelwa ku Mu latelela.

¹³⁷ Kucwani he hane Ni kali, “Mushimani yomunyinyani yo, ki—ki mwana ka”; na sikuluhile ni kubulela kuli, “Mañi, na ni be mwana mina? Kana mu nahana kuli Ni sikamañi!” Ne si ka ni swabiswa. Ne kukaba cwalo, ku mwana mina wa mushimani.

¹³⁸ Mi yani kona nzila yebizwa Bukreste mo bezi kacenu. Haiba mu ibeya libizo la kopano, ku lukile, ba ka amuhela bashembi bwa kopano. Kono haitaha kwa neku la kuamuhela bashembi bwa Linzwi la Mulimu, Kreste, batili, ba swaba. Ha ba lati kubulela kuli, “Eeni, Ni bulezi ka malimi. Eeni, Ni boni lipono. Eeni, Na lumela mwa foliso ya Bumulimu. Eeni, Ni lumba Mulena. Ni lulukuhile kuzwa kwa likopano kaufela, Ha ni kubameli zeñwi

ze cwalo kamukana. Ni mutanga wa Kreste.” Oh, mawi, sani si ka ba pumaka fela mwa liemba.

¹³⁹ Busihu bo buñwi, mubuleli yomutuna natile mwahala Baana ba Pisinisi ya Evangeli Yetezi mwa Chicago.

¹⁴⁰ Pili Ni yeme onafa fa muzuzu nyana, kuli ni bulele cwana. Mu ni swalele. Kono linako zeñata mu nahana kuli, mi ni Na cwalo, kuli ka se lubulela fateni, ona Niti ya Bibele, kuli mwendi ha iyangi mwahala sicaba. Kono, Ya yanga. Ka nako yeñwi baka yo itenga ku Lona, kono ha batalusi cwalo kaniti. Ba lika kufumana fo muyemi.

¹⁴¹ Sina likande lakuli sikwata sa macakolwa, ne si kananisana kuli hakuna sika sa kuli Bukreste. Muuna yomuñwi naize, “Na ziba ko kuna ni alimuñwi wa bona, yani ki musala ka.”

Bali, “Kulukile, Ha—Ha lu lumeli zeo.”

Ali, “A mutahe, luka...ha lu ikezeni inge kuli lukozwi maswe.”

¹⁴² Ki ha baya kwa ndu kwani, ni kueza lika kaufela zene bakona. Mi—mi ku bulela kuli wa ba tatehela mai, mi ki ha a fukumunelafafasi, ni kubulela kuli, “Ha u zibi kutateha mai mo ne ni batela!” Ku zamaya zamaya mwa ndu. Mi ki ha ba kena mwa muzuzu omuñwi, bawela mwa lipula. Ki ha ba utwa mutu ya li fiyela, kusina kubulela linzwi, ali, akala ku i kopelela pina nyana.

Kana Jesu ulukela ku lwala sifapahano anosi,
Mi lifasi kaufela lizamaye li lukuluhibile?
Kuna ni sifapahano sa mutu kaufela,
Luli kuna ni sifapahano sa ka.

Mi sifapahano sesi kenile se Ni ka si lwala,
Kufitela lifu li ni tamulula,
Mi ni ye kwa hae kuyotina mushukwe.

¹⁴³ Alimuñwi wa macakolwa bani ali, “Ki sikamañi se ne Ni mi bulelezi?” Ali, “Musali yo ki Mukreste!” Mwabona, ne ba sweli ku mu lika. Mi fokuñwi lifasi, Ni zibile, ku mi lika.

¹⁴⁴ Kacwalo Ne ni sa nahani kuli se sa kona ku ezahala, kono busihu bwa la Pelekelo yefitile, Na sepa neli lona, kamba la Sunda busihu, mubuleli yomutuna... Ha ni konangi kubulela mabizo a sicaba. Kono wa lika, kubeleka ka ku shutana luli. Ni lika kubeya likeleke zani kwande a muzamao wani wa swalisanayo tutengo, mi muuna yo ulika ku libeya teni mwani. Kacwalo, na ambolela Baana ba Pisinisi ya Bakreste. Ili, kone Ni lukela kuba ni mukopano mwa Chicago, mi Ne ni hupula kuli ne Ni kaba mwa Africa ka nako yani, kacwalo Na palelwa ku eza sani. Muuna yo ali, aya kwani mi ali, “Muzamao u mutuna, taba yetuna kufitisisa mwa lifasi cwale, yekile yaba teñi; likeleke kaufela za keleke ya Katolika, mwa muzamao wa

swalisano ya tutengo, mi ba Katolika baka amuhela Moya o Kenile.” Ki siteo mañi sa diabulosi!

¹⁴⁵ Mi mueteleli yo, Muzwale Shakarian, mutompehi wa Baana ba Pisinisi ya Linaha zeñata, bayemi mi bali, kasamulaho muuna yani amano ina fafasi, bali, “Yani ha ki yona nzila ye luli utwezi ka yona.” Bali, “Muzwale Branham ulu bulelezi, kuli, ‘Ona muzamao wo wa swalisano ya tutengo uka ba zamaisa kukena mwa nombolo ya sibatana.’” Mi muuna yana li kwa katala. Ali, “Uka ba zamaisa ku ba kenya mwa nombolo ya sibatana.” Ni kuli, “Lutamehile ku lumela kuli sa bulezi ki sa Niti.” [Yomuñwi mwa puteho uli, “Amen! Ni luna lu cwalo!”—Mu.] Mi ki hali, “Ki babakai ba mina baba lata kuutwa Muzwale Branham atahé mi amife kalulo ya niti ya yona? Munanuhe.” Mi ne ku na ni batu babaeza likiti ze ketalizoho ni kufitelela. Ki ba huwa ni ku lila, ka kutaha fela ka zazi lililiñwi, lizazi lililiñwi.

¹⁴⁶ Muzwale Carl Williams nani bizize, ali, “Muzwale Branham, mushimani, Ne niile mwahala sikwata sani,” ali, “ne ba beile mabunda a ma dollar a mwanda a litifo mwa mazoho aka, kuli ba kungele tikiti ya hao ya fulai kwanu, ni kukuta.” Mwabona, ka zazi fela lililiñwi!

¹⁴⁷ Mwabona, sicaba sani, Linzwi lani likenanga mane fokuñwi ni ko lu sa zibi. Mwabona? Kono, mwabona, ha mu se . . . Hakuna taba kamba lifasi lika Li Iwanisa cwani, kamba likopano li ka Li Iwanisa cwani, Mulimu wa Li nyakisisa kuba la Niti. Mi hola yetuna ha i taha lwa mafelelezo, lika li ka ezahala mane mwendi ze ne lu sa nahani.

¹⁴⁸ Eeni, ku bonisa kuli ha mu zibi hande, haiba mwa swaba, ku hande kuli musike mwa ambola taba yeo. Haiba mu ka i swabela, ha mu lati ku i ambola; a mukuze.

¹⁴⁹ Kono ku konahala cwani kuli muuna yatezi Moya o Kenile, ku konahala cwani kuli muuna yatezi Mata a Mulimu, ni lilato la Mulimu mwa pilu ya hae, a bulela ku mutu mwa mizuzu ye likani mi atokwe kubulela ka lilato lelili mwa pilu ya hae? Mwabona, kuna ni sesiñwi sesi—sesi ezahala; hamukoni kueza cwalo.

¹⁵⁰ Se ki kuli, i lukela kuba lizazi le li maswe la na bulela Jesu ka lona. Sicaba sa swabela Linzwi ni Moya wa Mulimu o beleka mwahali ku bona. Kono cwale Niti ha i zibahalile kwa sicaba, konakuli Mulimu, Yena kasibili, uka i patulula Iliyena kufitela mwa Linzwi.

¹⁵¹ Cwale, mutu kaufela wa kona kuipapata mwa latela kaufela. Mi lubile ni zona mwahala mazazi, ko se kubile kuipapata ko kuñata ko ku ipapatilwe, zani libile ze maswe. Kono, mwa bona, haiba kuna ni Niti, i lukela kuba ka Linzwi. Kakuli, ba bulela kuli neba na ni lika za mifuta kaufela, za oli ye buba mwahala mazoho, ni mali mwa mazoho abona, ni basali kwa mulaho wa bona ni mali a, ni kufeza likatulo za bona, ni ku nanula likatulo za bona ni kusela oli, ni kubona limbotwe halitulaka kwa katala,

ni kulibala lika kaufela ze cwalo. Hakuna lika ze cwalo mwa Bibele. Hakuna sepiso ya mufuta o cwalo, mwa Bibele. Fela, Ne i bulezi kuli, “Mwa mazazi a maungulo, moya ukaba bu kaufi hahulu uka puma ni ba Baketilwe haiba ku konahala.” Kono hakuna Liñolo la sani.

¹⁵² Kono ha itaha ku la niti, Linzwi la Mulimu le li sika zwakiwa, le li pakilwe ki Mulimu, Li bonahalanga kuli mane la swabisanga sikwata sesiñwi, kwa neku la butokwa. Mwabona, kuna ni kuswaba ka Lona.

¹⁵³ Kono ki La niti ku muuna kamba musali, mushimani kamba musizana, yena yali Mukreste wa luli. Fani Mulimu hana file sepiso ya kolobezo ya Moya o Kenile, mi mwa I amuhela, kuna ni Sesiñwi se si nyakisisa mwahali ku mina, kuli hakuna sika se singa sibaka sa Sona. Fani mutu haiba kele a kopana ni Mulimu; isiñi ka maikuto amañwi a musebezi wa mubili, ni ka ciseho yeñwi, kamba ka tuto yeñwi ya bulapeli, katekisema kakañwi kamba lituto za litumelo, kamba tuto kuama za bumulimu za amuhezi kuba—kuba mbombolelwa ku yena, kono haiba ufita fa sibaka sina Mushe mwa na ezelize, kwa mulaho wa lihalaupa, ku zamaya pata ni pata ni Mulimu Yamata kaufela, mi mubona Muhuwo wa bulela kumina, kuya ka Linzwi ni sepiso ya hola, kuna ni sesiñwi se Li ezanga kumina! Mwabona, ha mu Li swabeli, La ezanga sesiñwi kumina. Cwale, halu talimeñi cwale, ka mizuzu fela yetatama ye lishumi ka yeketalizoho.

¹⁵⁴ Kuna ni batu babañwi baba amuhela kutwisiso yecwalo. Mi ha Ni sweli kubulela ku mina kacenu, isiñi ka kuba keleke kamba kuba kopano, Ni bulela ku wena kakuba mutu unosi; isiñi kakuli mutahanga kwa tabernakele ye, kakuli Na mi lata mi ni mina mwa ni lata, ha ki kabakala zani. Mutuhele ni bulele ku mina sina mutu ya shwa, kuli zazi leliñwi mulukela kutaha kwa mafelelezo a bupilo bo. Mi ha Ni koni kuyoba teni, ni mukutazi yomuñwi hakulata hana kuyoba teni. Kono kuna ni fela Alimuñwi Yakona ku yo ku katana kwani, mi yani ki Mulimu. Mi wena—wena u Li teelete, mi ha ki kuli “musala ka ki Mukreste yomunde” kamba—kamba “muuna ka ki Mukreste yomunde,” kono, “Kana Ni ya lukile ni Mulimu? Ki kuli Ni katani Mulimu ka nzila yani?” Isiñi kuli “mulisana wa ka ukopani ni Mulimu,” kamba kakuli “dikoni wa ka ukopani ni Mulimu,” kono, “Kana Ni kopani ni Yena nji?” Isiñi kakuli “Ni huwile,” isiñi kakuli “Ni bulezi ka malimi,” kono kakuli, “Ni kopani ni Yena sina Mutu!” Konakuli hamuna kuswaba ni hanyinyani ka Seo, kuna ni Sesiñwi se si petehile hahulu ni kukena, mi ki sa niti.

¹⁵⁵ Mi amuhupule, mwakona kukatana moya okona kueza inge Mulimu. Mwakona kukatana moya, oka eza *se, sani*, kamba *sesiñwi*; a mu ulatelele hanyinyani mi mubone ka mo u bapiseza kwa Linzwi la Mulimu. Mwakona kukatana moya o ka mi bulelela kuli mu pilisizwe, ni ku mifa makuto a kanya,

mi mwakona kuhuwa ni kangauka; kono cwale hakutaha ka kulatula Linzwi, kana Moya o Kenile ukona cwani, ona onoñozi Linzwi, u latule Linzwi la Hae Kasibili? Moya wani ulukela ku alaba kwa lisepiso za Mulimu kaufela ka “amen”! Haiba ha ku cwalo, konakuli wa li kuba ukopane ni Mulimu, no kopani ni moyo o puma. Mi lifasi litezi ze cwalo kacenu!

¹⁵⁶ Kono ha mu bona Mulimu u taha ni mubulelelo omuñwi, kuli Uka eza sika sesiñwi sa kuli, mi kipeto sa kuta si to ezahala ona sani, ka nako ni nako ni nako, konakuli muna ni Moya wa Mulimu wa niti.

¹⁵⁷ Kana Moya ukona kuna cwani ku mutu, ona Moya o Kenile onoñozi Bibele, mi kipeto usikuluha ni kulatula kuli, “Zani ha li sika luka, Zeo neli za lizazi lisili”?

¹⁵⁸ Na ize, “Sepiso i kumina, ni kwa bana ba mina, ku ba bali kwahule, mane nihaiba babañata bao Mulena Mulimu wa luna uka biza.” Yani neli Likezo 2:38. Kana moyo ukona kuamuhela cwani ze shutana kufita Sani, mi ube wa Mulimu, kanti Maheberu 13:8 ibulela kuli, “Jesu Kreste ki ya swana maabani, kacenu, ni kuyakuile”?

¹⁵⁹ Kucwani he haiba mutu nakali, “Oh, Na lumela kuli Nali muituti wa za bumulimu. Na li muuna yomunde. Na li mupolofita. Kono kuya ka mata a Hae . . .”

¹⁶⁰ Ne ni ambola busihu bo buñwi ni George Smith, mushimani ya zamaya ni mwanake wa musizana, Rebekah; mucaha yomunde, na opelanga kwanu mwa tabernakele. Mushimani wa Baptist yana sa zonga . . . abulela, “Muzuse libizo laka mwa litaba zani! Hakuna se ni bata kueza ni zona.” Mi ne kuna ni kalibe yomunyinyani. . . Ne ba na ni mukopano, ona keleke ya Baptist ye, kwani mwa malundu.

¹⁶¹ Mi—mi ba ni Iwanisa hahulu, kaufela bona kwande kwani, mi ka nako isiñi. . . Ha ba sana sika sa ku ni lwani sa ka sona; seli kulwanisa Linzwi le. Na, kakuba mutu, habakoni kubulela sika sa ku ni Iwanisa, Na hakuna bumaswe bo ni ba ezize ni bobukana. Kono Sani kona se ba saba. Mwabona? Cwale ne luli. . .

¹⁶² Ne ba nani mukopano wo ka fani, nitaluse, mi ne ba nani, mubuleli yana lukela kunga masihu amalalu a mafelelezo a mukopano tuna wo, kwani mwa malundu ko ne kubata. Ne kutilo ezahala kuli, mubuleli yo atoyema ni kutaha mwa Mareka 16, mi ki hali, “Kuna ni batu babañata kacenu baba sa lumeli mwa foliso ya Bumulimu.” Ali, “Ne nili mwa India. Na ni mu Indian. Mi Ne nili mwa India fani mutu yomuñwi kwanu kwa United States, wa libizo la Muzwale Branham, anatile.” Mulisana na kalile ku shenyashenya. Ali, “Musala ka na bulaiwa ki kansa. Ne nili sibofu,” kamba zeñwi ze cwalo. “Na lapelezi yomuñwi wa luna, mi abiza yomuñwi mwahala sicaba, mane a sa zibi nihaiba mushobo wa luna, mi abulela Mata a Mulimu.”

Mi ali, “Luteni kwanu, lufolisizwe!” Kulukile, ba lika ku mu kuzisa. Ne ba sa koni kueza sani. Zani, mwabona, ona mwahala mukopano wa bona tota.

¹⁶³ Mi ba latula lika kaufela. Mi babañwi ba sicaba, nihaiba za . . . kezela mushimani yo, banifafasi, neba sina ni haiba sa kubulela. Neba bata kuziba haiba na si ka swalisana, ka nzila yeñwi neba ka ya kwani ni ku yo batisia.

Alimuñwi wa likalibe ali, “Kulukile, Na lumela sani.”

¹⁶⁴ Rebekah ni George baya kwa ku yo bona kalibe yani. Mi ki ha ya kuyonga musizana yanakula ka—ka . . . mwa mufuta wa kutotobela, nyana cwalo. Kacwalo ba ni bisa kuli ni ye teni kwani ku yo bona musizana, busihu bone butatami. Mi se Ni ya teni kwani, musizana yomunyinyani yani nali teni kwani, mi se Nili, “Kana u mulumeli njí?”

¹⁶⁵ Ki hali, “Batili, Ha ni zibi kamba Ni cwalo kamba kutokwa.” Kulukile, na si ya totobezi; neli fela moywa diabolosi. Ha ba li lemuhi. Mwabona, lilwala mina, mi ha muzibi ka zona. Za taha, konakuli tata i koma mutu, mi ha ba zibi zeñwi ka zona.

¹⁶⁶ Basali baba zamayanga kwande kwanu mwa mikwakwa, ni tuputula cwalo, ha ba lemuhangi. Ba kona kulika cwalo, ba kona mwendi ku nyakisisa ni kukonka ka zona, kuli bali kuba baeze sika se si fosahalile kulwanisa baana babona, kamba zeñwi cwalo, sina cwalo. Kono mwa lipilu za bona, ha ba lemuhangi, kono moywa diabolosi u ba hapile. Ba taselizwe ka ona. Ki kabakalañi musali ha ka lata ku pazula liapalo za hae, fapiila muuna? Ku na ni fela mutu alimuñwi yana ezize zani, mwa Bibele, mi ne bali likuba. Babañwi balika kuipata bona bañi; ha ba lemuhangi. Ki ze shemaeta, ze talifile hahulu! Mu lukela ku tokomela, muipeye fa sikala mina bañi ni Linzwi la Mulimu, mi mubone fo muyemi.

¹⁶⁷ Kalibe wa mwanana yo abulela kuli, “Oh, ne ba ni bulelezi kuli ne Ni kolobelizwe hane Ni sa li mwanana.” Ali, “Ha ni zibi kuli ni lumezi lika zani kamba kutokwa.”

Se nili, “Kana ha mu lumeli Jesu Kreste?”

¹⁶⁸ Mi ki hali, “Kulukile, Ha ni zibi kamba Na lumela kamba kutokwa.” Ki hali, “Zeñwi za litaba za mabibo a cwalo zani, Ha ni li lumeli.”

¹⁶⁹ Se nili, “Kulukile, ka niti, ha u lumeli litaba za mabibo.” Se nili, “Kono kana wa lumela kuli Na li Mwana Mulimu?”

“Oh,” ali, “Na lukela kuba cwalo.”

¹⁷⁰ Se nili, ni se Nili, “Kana wa lumela kuli Yena ki ya swana kacenu, yena Mulimu ya kona kuku pilisa?”

¹⁷¹ Ki hali, “Kana ku na ni lika ze paka kuli ku na ni limakazo ni zeñwi ze cwalo? Hakuna se ni lumela ka zona.”

¹⁷² Mi se Nili, “Ki sikamañi se ne uka eza ha ne ukaba mwa mukopano ni kubona Mulimu, Moya o Kenile, yali yena Mulimu ya kenile yaliteni, inza beleka mwahala batu; Mulimu mwa kalulo ya kuba Ndate, Sita sa Mulilo, ni bapolofita; Mulimu ku Mwana Hae; mi Mulimu mwa batu ba Hae? Ki milelo fela ya Mulimu, yena Mulimu alimuñwi Ya tala Kuyakuile.” Se nili, “Ki sikamañi sene uka bona haiba Yena, mwahala sicaba sa Hae, na ezize kuli li—li bofu libone, bo shushu kuutwa, ku talima fa sicaba ni ku bulelela batu se ne si fosahalile ka bona, sina mwa Na ezelize ha Na li fa lifasi fa?”

Ki hali, “Na sepa ikona kuba kunuha kuitusisa zebupilwe za lihalimu.”

¹⁷³ Se nili, “U mwa buino bo bumaswe kufita mo ne Ni ku hupulela kuba cwalo. Ne kukaba hande kambe no li ya lyangani, mwabona, no si ke waba ya sepiwa.” Kono se Nili, “Wena utaselizwe fela ka moya o maswe.” Se nili, “Fani Jesu ha na bulelezi musali fa siliba ka za muuna hae, fani ha Na talima fa sicaba ni ku lemuha milelo ya bona, ki kuli no ka biza sani kuli ki kunuha ka libupiwa za lihalimu?” Mwabona, kuba ya tatelizwe fela mwa kopano, yebizwa Lutheran, kuli sika kaufela se si shutana ni sani kipeto si fosahalile!

¹⁷⁴ Cwale Mulimu ubata mutu ya tatelizwe mwa Linzwi. Seika se si shutana ku Sani si fosahalile! Jesu naize, “Linzwi la mutu kaufela alibe la buhata, mi la Ka libe la Niti.”

¹⁷⁵ Ne ku nani muuna mwa lusika luli lwa sayansi, wa libizo la Nuwe. Na si ka swabela Linzwi la Mulimu. Mulimu na kopani ni yena, mi A bulela ku yena. Na zibile kuli neli Mulimu. Mi A li, “I ka nela!” Ne i si kabe inela fateni, kono alumela kuli ne i na ni kunela. Mi tumelo ya na nani, na sa swabeli kuitusisa yona. Na ngile myaha ye mwanda ni ye mashumi amabeli inza yaha aleka, mi fani lifasi hane li mu lwanisa. Na sa swabeli Linzwi la Mulimu, mwa lizazi la hae. Mulimu na mu pilisize yena ni ba ndu ya hae, ka yona. Ne ku nani . . . Ka mo ne’ku ka bonahalela bukuba kwa batu babañwi; kono, ku yena, na kopani ni Mulimu. Hakuna taba babañwi mo ne ba kabela ba sayansi, zani ne li shutana, ka mo ne li bulelezwi kuli “ne lisike ku ezahala, ne lisike ku ezahala,” na kopani ni Mulimu!

¹⁷⁶ Cwalo kona mo ku inezi ha u ziba kuli uambola ku Yena! No ka nahana kuli neli taba ya bukuba ku yomuñwi . . . Fani, Na ziba kuli ku na ni sicaba sesi likani mwa lifasi se si swalelezi ku ze Ni bulezi kuli ki Niti. Ku yema fa ni kubulela kuli, “KISONA SA BULELA MULENA, Ni ya kwa Arizona, kwani Ni ka kopana ni sikuwata sa Mangeloi a supa,” kulukile, ne ku na ni sikuwata sa baana bene ba yemi kwani kubona ha li ezahala. Busihu bo buñwi, kubulela kuli, “Los Angeles ika nwela mwa liwate.” Kono cwale ha mu kopani ni Mulimu, mi ni Mulimu Yena ya sa palelwi, yena Mulimu Ya ezanga ona cwalo luli sa Na bulezi kuli Uka

eza, Ubile a ezanga cwalo kamita, ha u swabeli nihaiba iliñwi ya zona. Ha ulukeli kukuta mwa mulaho ni kuswaba aka zona; wa kona ku bulelela lifasi kamukana. Fani mutu ha kopana ni Mulimu, wa ambola ku Yena, mi niti ya Mulimu i taha mwa pilu ya hae, ha swabi ka Yona.

¹⁷⁷ Nuwe na si ka swaba. Ne ku bonahalile bukuba ku baba siyezi ba lifasi, kono isiñi ku yena.

¹⁷⁸ Mushe, hana li fa pila Faro, na sa swabi ku bulelela Faro kuli lika zeñwi ze lika ezahala, kakuli na kopani ni Mulimu. Mulimu na mu bulelezi, mwa sicacani se situka mulilo. Mushe ali, “Ni—Ni na ni sikukuma.” Sani kona sa nana nani, silyokota fa kubulela.

¹⁷⁹ Ki hali, “Ki ha kutaha Aruni. Wena u be Mulimu ku yena, mi yena ukaba mupolofita ku wena. Na ziba kuli wa kona ku bulela hande. Kono Ni ka ba ni mulomo wa hao. Ki mañi ya eza mutu kuli a bulele?” Amen. Na lata sani. Yani ki Mulimu. “Ki mañi ya ezize shushu ni simumu, kamba ki mañi ya ezize mutu kuli abulele?” Mulimu uezize zeo.

Ki hali, “Mulena, a ku ni bonise kanya ya Hao.”

Ali, “Ki sikamañi sani mwa lizoho la hao?”

Ki hali, “Ki kota.”

¹⁸⁰ Ali, “I nepelefafasi,” ki ha i fetuha kuba noha. Ali, “I nanule hape,” se i fetuha kuba kota hape. Amen. Ki Mulimu. “Beya lizoho la hao mwa sifuba sa hao.” Ki ha libeya mwani, ha li zusa mwateni, laba busweu ni mbingwa. Ali, “Libeye mi uli zuse hape,” mi ki ha liswana ni lizoho leliñwi. “Kina Mulimu.”

¹⁸¹ Mi ki ha ya ku Faro ni ku bulela sa Na mu bulelezi kuli uka si bulela. Ki hali, “Ku ka ba *cwana* ni *cwana*.” A nga mushabati ni ku unepela mwa halimu, ni ali, “KISONA SA BULELA MULENA, ha kutahe linda mwa lifasi,” mi linda se litaha. Ki hanga mezi ni ku a sululela mwa nuka, ni kubulela kuli, “KISONA SA BULELA MULENA,” mi linuka kaufela ni lika zeñwi kamukana za fetuha kuba mali. Abiza ñundupula kuzwa kwa lihalimu.

¹⁸² Mwa ziba, mwa mazazi a mafelelezo ku lukela kuba likoto zani ku kutela hape. Mi muhupule, soozwa, mwa linako za Bibebe, koto ya hae neli ka lifu la ku pwacaulwa macwe. Mi keleke ye sa lumeli ika bulaiwa ka lifu la ku pwacaulwa ka macwe, ka mañomo a ñundupula, ne li nzila ya Mulimu ya koto. Uka pobaula ka macwe lifasi le li sa lumeli le, lusika lo lwa bubuki. Uka lu pwacaka kuzwa mwa lihalimu, ka macwe a ñundupula aeza buima bwa talenta ye abilwe fahali, yeli lipaundi ze mwanda. Keleke ya bubuki ika shwa, lifasi la bubuki lika shwa mwatasa koto ya Mulimu, mwatasa kunatiwa ka macwe, sina mwa Na ezelize kwa simuluho. Mu be ka swanelo ni

Mulimu, keleke! Sani kona se lu lukela kueza kamukana luna, ku kutela ku Mulimu!

¹⁸³ Sifateho sani sa mahaha, milili ya limbi, ni sitenda, ni mazoho a litalo le li omelezi, a Elia wa myaha ye mashumi a ketalizoho ka amalalu ali kuina mwani mwa lihalaua, inza talimela kwande fa libi za sicaba. Mulimu na bulezzi ku yena kakusasana omuñwi, ali, “Zamaya teni kwani mi ubulelele Akabe kuli hakuna kuba nihaiba puka yeka wa kuzwa kwa halimu kufitela ha u ka ibiza.”

¹⁸⁴ Na kona kubona meto a hae a manyinyani inza talimela kupunya mwa mahaha ni mulelo o musweu cwalo, kota yani mwa lizoho la hae, inza zamaya mwa mukwakwa sina mushimani wa lilimo ze lishumi ka ze silezi za kupepwa. Aya kulibana ni pata ya mulena, mi ali, “Hakuna nihaiba puka ye ka zwa kwa lihalimu kufitela ha Ni ka ibiza.” Na sa swabeli Mulimu ka Linzwi la Hae; ku bulelela mulena kamba mutu yomuñwi kaufela. Na si ka swaba. Na si ka pata, kubulela kuli, “Cwale, Akabe, ukaba ya . . .”

¹⁸⁵ Si ni beya mwa munahano wa sesiñwi sina luna bañi. Mi se Nili kwa sicaba, “Ni fitile fa sibaka, fo Ni to kwela tumelo.” Sani kona se Ni bezi kwa hae ka cwale kuli—kuli ni be ni tumelo ka buñata.

¹⁸⁶ Nina ni cwalo, ku bonahala cwalo, ha mu lapelela batu, mukupe swalelo, “Bo Diabulosi, a ku shimbuluke mi u ni tuhele . . .?” Hakuna! Tumelo i na ni mata, ni bwambo fa sifuba. Ha ibulela, lika zeñwi kaufela za kuza. Usike wa kena mwateni, “Bo Diabulosi, mwa zwa nji?”

¹⁸⁷ “Zwa fa! Ni mwana Mulimu, ya lumilwe ki Mulimu. U ba tuhele!” Sani sa nyanganyisa. Ha muna buinyazo bwa ku ezeza diabulosi, hakuna sa kueza ni yena. Ha mu swabeli Linzwi la Mulimu, ha mu swabeli tumo ya mina, ha lu swabeli seo luli sona.

¹⁸⁸ Maswabi fela o Ni nani, ki kuli Ni mu Branham, sani ki sipepo saka sa lifasi. Na swabela bupalelwi bwaka.

¹⁸⁹ Kono ka kuba mutanga Hae, ha Ni swabi! Ha ni swabeli Linzwi la Hae. Kamba ikaba likopano, malena, babusisi, kamba seo kaufela si kona kuba sona; ku itukisa fela kufa kalabo, Mulimu wa i tokwa.

¹⁹⁰ Mushe naile kwani fapila Faro. Na sa swabi ku mu bulelela kuli ne basike ba keshebisa ni kuina *mazazi-amañata* hahulu cwalo mwa lihalaua.

Ki hali, “Babañwi ba basali ba pila, ni bana ba hao.”

¹⁹¹ Ali, “Kaufela luna luka ya! Hakuna nihaiba taku iliñwi ye ka siyala mwa mulaho, luka nga likomu za luna ni lika kaufela.” Na sa swabi. Ki kabakalañi? Na tile mwa Liseli la tukuluhu.

¹⁹² Lani kona libaka muuna kamba musali, yakula kamba sika kaufela, ha sa tile fa pila Pata ya Mulimu, ni kuziba kuli Mulimu

u mu folisize, ukena mwa Liseli la tukuluho. Hauna ku keshebisa ka sika kaufela.

¹⁹³ Tukuluho neili mwa pilu ya hae, kakuli na kopani ni Mulimu Ya na bulezi kuli, “Kina Mulimu wa Abrahama, Ya na file Abrahama sepiso. Ni nako, nako ya kuliululwa, kwa tukuluho, i sutelezi. Ni kuluma kuli uye teni kwani u yo ba lukulula bazwe.” Ki zañi za kuinyaza, ka zona?

¹⁹⁴ Faro na ku mu bulaya. Na li fela mutu. Na li mutanga. Na ka mu bulaya. Kono na sa swabeli Linzwi. Na sika taha kuli konji kuwa ka mañwele ni kukupa Faro kueza sika. Na ize, “Ni tile kwa kuba shimba.”

Faro ali, “Kulukile, haukoni ku ba shimba!”

¹⁹⁵ Ki hali, “Ku lukile, konakuli ku kaba linda mwa na ha, kufitela ha uka li hatikelanga.” Mi sani kona sene si ezahalile.

Ali, “Oh, Mushe, a ku baise kafo!”

Ali, “Ku lukile. Cwale kana wa baka nji?”

Ali, “Ki hande, mwa kona kuya *mazazi-amañata* mwa lihalaupa.”

¹⁹⁶ Ki hali, “Konakuli linzi lika taha.” Amen. Ali, “Lififi lika taha.” Neku na ni lififi hahulu kuli nemusike mwakona kubona sibaka se ku sesiñwi.

¹⁹⁷ Mi mafelelezo lifu la taha. Kuzwa ku Faro kuisa ku mutanga, neli lifu la mwana wa mweli mwa lubasi. Na sa tokwa kuinyaza ku mutu ufi kaufela. Nali mwana Abrahama, ya pepilwe ka Moya wa Mulimu, yana filwe tumo ki Mulimu, ona Liñusa la Mulimu, kuya ni ku yo lukulula sicaba sani kuli sizwe.

¹⁹⁸ Ki hande, kana Mulimu hakoni kubiza lika zeswana mwa hola ye, kuli ange Munyaliwa yazwa mwa keleke? [Puteho ili, “Amen.”—Mu.] Daniele na si cwalo, kamba . . .

¹⁹⁹ Davida, nitaluse, na si ka saba fapila Saule. Fani mutu kaufela ha na saba Goliati kwa buse kwani, na sa sabi ku muyela. Mi ali, “Mutanga hao . . .” Yena mutangana yana bonahala ku sosobana yani ali, “Mutanga hao nanza li sa lingu za ndatahe, mi se ku taha bere mi ya to swala iliñwi ya lingu. Na ilelekela mwa lihalaupa ni ku i bulaya, ni kafwililo ka. Se ku taha tau.” Oh, mawi! “Tau ya taha mi ya to swala iliñwi ya zona, mi ya matela mwa lihalaupa, mi Na i natafafasi ka kafwililo. Ha ne i nanuhile, Na i bulaya.” Ki hali, “Mi Mulimu . . .” Yani mulena ya wile ali kuyema fani, ni masole bani ba sihali-hali inze ba i papata kuli ba sebeleza Mulimu wa Lihalimu, mi ba tuhelela Mufilisita yani ya si ka kena mwa mupato ali kuyema fani inza nyefula limpi za Mulimu ya pila. Ali, “Mutanga hao ni yena uka mu bulaya. Kakuli, yena Mulimu Yana lukululezi tau ni bere ku na, uka lukulula hape ni yena Mufilisita ya si ka kena mwa mupato yani.” Na si ka kukuma, na si kali, “*mwendi* si ka ezahala.” Na ize, “Si ka ezahala!” Na sa swabi.

²⁰⁰ Daniele, fapila mulena, na sa sabi ku nyefula litaelo za hae kuli hakuna ya na ka lapela, konji fela ku yena. Na kwaluzi mahaulo ni ku kasheza mihala ya masila fa halimu, ni ku lapela halalu ka zazi. Na sa sabi.

²⁰¹ Shadreki, Misheki, ni Abedenigo, ne ba sa sabi ondo ya mulilo yani. Nebaize, “Mulimu wa luna wakona ku lu lamulela. Mulimu wakona ku lu lamulela. Kono haiba Ha ezi cwalo, ha luna ku kubamela siswaniso sa hao.” Ne ba sa swabi ka zona. Batili, sha. Batili, sha. Kaniti ne ba sa swabi ka zona, kakuli ne ba ziba.

²⁰² Samisoni na sa swabi fapila Mafilisita. Fani ha ne kutile ba ba eza likiti ku yena, na nophile mutahali wa mbongolo. Mi likuwani za lindwa zani, ne li likana buima bwa inci ni licika, za sipi. Na natile baba eza likiti ka ona, mi niteni na sa nani mutahali mwa lizoho la hae. Na sa swabi. Na nanuzi fela se nesili mwa mazoho a hae, ni ku yo beleka ka sona. Na zibile kuli Moya wa Mulimu noli fahalimwa hae. Na zibile kuli na pepilwe ali Munazareni. Na zibile kuli hakuna se ne si ka mu lyanganisa. Na li mutanga wa Mulimu. Ibile fela nali mwa tato ya Mulimu, hakuna se ne si ka yema mwa nzila ya hae, hakuna taba ka buñata bwa malena ba Mafilisita, kamba se ne sitile teni kaufela. Kulukile.

²⁰³ Joani na sa swabeli Linzwi la Mulimu lene litile ku yena mwa lihalaupa, mi la mubulelela kuli a yo kolobeza ka mezi. Na sa sabi ku bulela kuli, “Amubone Ngunyana ya Mulimu ye takula sibi sa lifasi,” kakuli Moya wa Mulimu noli fahalimwa hae. Na si ka swaba fapila baprista.

²⁰⁴ Na sa swabeli Linzwi la Mulimu fani hanatile ku Heroda. Musala Filipi na pila ni Heroda. Ataha fapila sifateho sa mulena! Muuna muhulu yo wa mahaha kwa sifateho ya nazwa kwani mwa lihalaupa, ataha kwani, a sina tuto kamba sika sesiñwi kaufela, mi ataha fapila pata ya Heroda, mi ali, “Ha ki mulao kuli wena u be ni yena!” Na sa swabeli Linzwi la Mulimu. Luli. Kaniti na si ka Li swabela.

Setefani, na si ka swabela Linzwi la Mulimu.

²⁰⁵ Pili, batu ba pentekota fa halimu fani Zazi lani la Pentekota, ha ne ba kopani mwa muzuzu wa fa halimu, Moya o Kenile no wezi fahalimwa bona, ka sepiso ya Mulimu. Luka 24:49 iize:

*...amubone, Ni mi lumela sepiso ya Ndate fahalimwa
mina: kono mulibelete... mwa munzi wa Jerusalema,
kufitela ha mu ka amuhela mata azwa kwa lihalimu.*

²⁰⁶ Mi ona sepiso yeo Linzwi la Mulimu ne li sepisize ku bona yakuli, “Amubone, Ni mi lumela sepiso ya Ndate Luli fahalimwa mina, kono mulibelete kwani; musike mwa i kungela lituto za bumulimu ni kamuta, ni zeñwi cwalo, mulibelete kufitela ha mu ka amuhela Mata.” Mi cwale Mata ani kuzwa kwa Lihalimu

hanatile, sina moya o fuka wa liñungwa, ne ba si ka swabela Evangelii.

²⁰⁷ Pitrosi a yema, ali, “Mubake, kaufela mina. Mina baana, ba mazoho a bumaswe, mu kokotezi Mulena wa Kozo, ili yo Mulimu uzusize kwa bafu. Mi lu lipaki. Kakuli se kona sana bulezi Joele hana ize kuli ku ka ezahala mwa mazazi a maungulo, ‘Ni ka sulula kwa Moya wa Ka fahalimwa libupiwa kamukana.’” Na si ka swabela Evangelii.

²⁰⁸ Setefani yomunyinyani, sina ha Ni bulezi ka yena fa mizuzu yefitile, fani ha naile mwa lika zani sina li—li—li ndinda. Na si mubuleli. Na li fela dikoni, kono napakile kai ni kai kaza zuho. Na kopani ni Mulimu. Mi kuswana fela sina . . .

²⁰⁹ Kulika ku mu tuhelisa? Ki hande, neli sina kulika kutima—ndu, ndu yetuka mulilo, mulilo kuzwa ku yona, ka lizazi la moya ofuka, mwa nako ya ye omile. Ki kabakalañi, nako kaufela moya ha ufuka, ne li kutumbula fela mulilo omuñwi.

²¹⁰ Ne ba mu lundulezi kwanda Katengo ka ba Sanhedrin. Kana mwakona ku lemuha sani kuli kiñi? Sani siswana sina Katengo kaba Swalisano. Bulapeli kaufela ne bu taha fa halimu, mwatasa Katengo kaba Swalisano. Kaufela zona ne li felela mwani mwa Katengo kaba Sanhedrin. Bafalisi, Basaduki, Baheroda, kaufela sene bali sona, ne ba na ni kutaha mwa katengo kani. Mi ki ha ba mu lundula, ne si fela kopano iliñwi, kono katengo kakatuna kona kene ka mu lunduzi. “Lu ka hamula sibiti kuzwa ku yena.”

²¹¹ Mi hana zuhile, kakusasana wani, Bibele i bulezi kuli sifateho sa hae ne si bonahalile sina Lingeloi. Ki hali, “Baana ni mizwale, mutuhele ni ambole ku mina. Bo ndata luna ne ba pilile mwa Mesopotamia ba si ka taha kale kwa Karani,” ni zeñwi cwalo. Naile inza talusa Mañolo. Mi cwale ha na se afelize, Moya wa taha fahalimwa hae, ki hali, “Mina baba omelezi milala, baba sika kena mwa mupato wa mwa pilu ni lizebe, kamita mu hanyeza Moya o Kenile; sina bo ndata mina mo ne ba ezelize, ni mina mueza cwalo.” Na sa swabeli Evangelii, na sa swabeli Linzwi. Na si ka swabela Katengo kaba Sanhedrin kaufela fapila hae. Kutokwa.

²¹² Paulusi naize fapila Agripa. Kakuba Mujuda, ya na lutilwe ki Gamalie, nali nkumenkume yo mutuna. Kono zazi leliñwi, mwa musipili kuya kwa Damaseka, ataha fapila Pata, ka ku bonana ni Mulimu. Lingeloi la taha kuzwa kwa Lihalimu, mwa mufuta wa Siita sa Mulilo, Liseli lene li mu wiselizefafasi. Mi ananuha, ki hali, “Mulena, ki Wena Mañi?”

Mi Yena ali, “Kina Jesu.”

²¹³ Ka kuyema fapila Agripa, a kutela likande lani hape. Ki hali, “Ha ni swabeli Evangelii ya Jesu Kreste, kakuli Ki Mata a Mulimu aisa kwa puluso, ku ya lumela kamukana.” Luli.

²¹⁴ Cwale, balikani, lu taha lu shetumuka cwalo ni mutu, kutaha cwalo mwahala masika, kono lu se lufitelezi nako.

²¹⁵ Kono mutuhele ni bulele cwana. Mutu ya sa tile ka ku bonana ni Mulimu, yali yena Linzwi, mi cwale Linzwi litiswa patalaza ni ku bonahala ku yena, ha ku na maswabi ka lika zani. Ha u swabi. Ha li ni utwisi maswabi fa kubulela kuli Na lumela Linzwi kaufela la Mulimu. Ha li ni utwisi maswabi haiba Mulena ha ka bulela taba kaufela, kuli uye uyo ibulela mi ueze cwalo; ha li ni utwisi maswabi ha ni swabi ku bulela kuli Ni talizwe ka Moya o Kenile; ha ni swabi ku bulela kuli Ni ambozi ka malimi asili; ha ni swabi ku bulela kuli Mulena luna u ni bonisize lipono; ha ni swabi ku bulela kuli Ki ya swana maabani, kacenu, ni kuyakuile.

²¹⁶ “Ha mutiswa fapila babusisi ni malena, ka bakala Libizo la Ka, musike mwa itukiseza se mu ka bulela, kakuli si ka fiwa ku mina mwa hola yani. Ha ki mina mu bulela, kono Ki Ndate ya pila ku mina. Kono yo kaufela yaka ni swabela Na ni Manzwi Aka, mwa lusika lo, ni yena Ni ka mu swabela fa Pila Ndate ni Mangeloia kenile.” Mulimu alutuse kuli lusike ku swabanga, kono alutuse kuli lube bupaki bobupila.

²¹⁷ Mutu kaufela mwa Testamente ya Kale, fani hane batahangapapolofita bani, neba tiloba—neba tiloba Linzwi lelipila. Nebali lona Linzwi. Jesu naize be babizwa balimu, mi nebali cwalo, kakuli Linzwi la Mulimu neli tile ku bona. Ne baize, “Kuli KISONA SA BULELA MULENA.”

²¹⁸ Mi mulutiwa wa Kreste kaufela yatile ka ku bonana ni Yena mwa kuliululwa, ni puluso utile mwa pilu ya hae, yani ki muluwi wa Mulimu. Mi ki mufuta mañi wa bupilo bo lu lukela kupila, mi lu lukela ku zamaya cwani, lu lukela ku bulela cwani, haiba Mulimu wa iponahaza Iliyena ka kufitela mwa mibili ya luna ya butu? Ki mañi ya kona ku swabela zani?

²¹⁹ Haiba Ni taha kwa sibaka kuli Ne ni kaba kwa mapokola ba kwanu kwa Jeffersonville, ku zamaya mwa mukwakwa, mwahala mibuso kaufela, Ne nisike na swabela muleneñi. Ne ni kaba wa siemba sa muleneñi. Ne ni kaba mupokola, siemba sa muleneñi, kuli ni buluke swanelo ni tamaiso. Haiba nji mutu na ka mata ni malaiti a mafubelu, Ne nisike na swaba ku mu bulelela kuli u fosize, ku mufa tikiti. Wani ki musebezi wa ka, kakuli Ni—Ni holisiwa ki ba muleneñi wo. Ni pila ka muleneñi wo. Ni na ni bundume bobuzwa mwa muleneñi. Hakuna taba kamba na kozwi, kamba una ni butata bo bucwanii, neba ka ni yemela. Ni yema ka mayemo aka, kakuli Ni mupokola kamba- . . . Ni ketilwe, kamba ku beiwa kwanu ni kufiwa mata a kueza se. Mu lukela kunga milao ni liswanelo, ni lika, ni kubona kuli liezwa ka kuluka.

²²⁰ Kutuha fo, haiba Ni Mukreste mi ni talizwe ka Moya, ni apezi bupaki bwa zuho ya Jesu Kreste, kuli Ki ya swana maabani,

kacenu, ni kuyakuile, musike mwa tuhelela diabulosi ku mi kashaka kashaka, kuli, "U si ke wa eza *se* mi u si ke wa eza *sani*." U yo eza Sani. Mulimu uli file ku wena . . .

²²¹ Mwabona, ha lu na mata. Mupokola yani hana mata a kuyemisa mota ni iliñwi. Ki kuamana ni . . . fokuñwi ki mota yena ni mata alikana ni limbongolo ze mianda yemine, ki sikamañi sa kona kueza ka yona? Kono una ni bundume.

²²² Mi yani kona Keleke. Lu nani bundume, ka zuho ya Jesu Kreste ni Linzwi la Hae le li sepisizwe, haleluya, "Lika ze Ni eza muka li eza ni mina; zeñata kufita ki ze muka eza, kakuli Ni ya ku Ndate."

²²³ Musike mwa Mu swabela mwa lusika lo; lwa sibi, lo lukomokile, lusika lwa mafelelezo lo lukaba mwa lifasi, lo lwa sibi, lwa bunyazi, mi lolutezi fela litombo ze bolile. Kaufela, lika kamukana ze ne banga za likute se li tokwile likute. Litaba za naha, masila! Linaha li kauhani.

²²⁴ Kwani kwa mishitu ya Africa, kwa bazumi ba lifolofolo, ne ba na ni kunga lilimba ze na ni mulilo o muñata kuli bautwe Elvis Presley, Pat Boone, ni mitangana yani ya kubina lipina za kualabana-ka-kupikuluha. Mi bañi ba naha, kulika ku babona haba peta zani cwalo, ku zukuza litoho za bona ni kueza cwalo, bañi ba naha neba yemi ni kuba talimela. Kono, mwa bona, ha ki ma American sina Pat Boone, ni Elvis Presley, ni Ricky Nelson, ni mitangana yani. Ha ki bo Judasi ba mufuta wani, kono ki ba . . . Mwabona, ki moyo. Mi moyo ha u yo fela mwa America, uhasanezi mwa lifasi kaufela, kuba tisa mwa ndwa ya Armagedoni. Ba eza ona cwalo, kamba ba eza zani . . . Naha kaufela ko ba zwelela, Africa, India, seo kaufela si li sona, bumaswe bwani ni lika ze cwalo za hasana mwa lifasi kamukana, ka mutu alimuñwi fela ya li kalisa.

²²⁵ Kacwalo ni Evangelí ni Mata a Mulimu Muambakani kona mwa inezí, li has anile mwahala lifasi! Mi nako ya kauhano sweli ku ezahala onafa cwale, haiba Mulimu wa biza Munyaliwa, ni diabulosi wa biza keleke. Ni be wa siemba sa Munyaliwa!

Ha lu lapeleni.

²²⁶ Mulimu yomunde, lubona muñolo fa limota, Mulena. Lu kwa nako ya maungulo. Lu ziba kuli kuna ni lika zetuna ze li kwa pata, kono ili kokuñwi, kwa sibaka sesiñwi kwande kwani kwa masila, kusa na ni batu baba sepahala baba ketezwi kwa Bupilo. Ikona kuba tata ku mutu alimuñwi kamba bababeli; kono, Mulimu, kaufela luna hamoho, ha lu hasanyeni mwa makozwana kaufela ka mo lu konela, makande amande akuli Jesu wa taha, mi, mwabona, ki kuhasanya fela Sinkwa se si likani cwalo, Linzwi leliñwi nyana. Kaufela ko ku na ni Limbande, lika latelela Sico sani. Kamba Li taha fa litapa, kamba Li taha ka linzwi kamba ka bupaki, Limbande lika Li latelela kuisa kwa toho ya Lona. Kakuli Ku ñozwi, "Ko ku na ni Situpu, kwani

ku ka kopanela Limbande.” Jesu yomunde, lu ziba kuli Wena u Situpu se lucanga. Wena ki wena Linzwi, mi Linzwi la ezizwa nama ni la to yaha mwahala luna. Lwa lapela, Mulimu, kuli halunze lu hasanya Linzwi, ibe Limbande li Li fumane.

²²⁷ Lusike lwa swaba ha lu yema fapila sicaba, sesi maswe, sicaba sesi sina tokomelo kwa lika, sa bulapeli, kaufela seo sili sona. Sina Paulusi hana bulelezi Timotea:

...Luno itiisa mwahala nako, ni ha kusina nako; ku kalimela, ni ku sikulula, ni...ka pilutelele kaufela ni tuto.

Kakuli nako ya taha ha ba si ke ba utwa tuto ye pilisa; kono ka litakazo za bona ba...ka ipundekela hamoho baluti, baba ka ba ñwaya mwa lizebe;

Mi baka keluha...kuzwa kwa niti,...kuya kwa matangu.

²²⁸ Mulimu, lu pila mwa lizazi lani. Uni tuhelezi kupila nako yetelele kuli ni bone sani ha si ezahala. Sina, sani ha ne si tomilwe mwa licwe la mwa lilulu lani la tabernakele ye kacenu, ka myaha ye mashumi amalalu ka yemilalu.

²²⁹ Mulimu, fuyola mutu ni mutu mwahali mo. Haiba kuna ni yomuñwi mwahali mo, Mulena, ya si ka itukisa ku kopana ni Wena, kuli hakoni ku lumulelana ni Linzwi la Hao, mi ha si ka kopana kale ni Wena pata ni pata mi ba zibe kuli ha U mufuta fela wa kezo yeñwi ya—ya ku—ya kuamuhela, sina ha ne uka eza cwalo kwa lituto za tumelo kamba sesiñwi, kono ki ya kopani ni Mulimu ya pila; mi haiba ha ba si ka eza kale seo, Mulena, ha baeze cwalo ona fa.

²³⁰ Na—Na lumela Wena u—Wena u teni fa kaufi hahulu luli ka hola ye. Ha ni zibi bao bali bona. Ha ni zibi mane haiba kuna ni yomukana mwahali mo, kono Ni ikutwa fela ku lapela ku Wena. Isiñi kuli batu ba ni utwe, kakuli sani si kona kuba sa buipi. Mulimu wa hanisa. Ha ni lati kuba muipi. Kono Ni lapela ka busepahali mwa pilu yaka, Mulena.

²³¹ Yo kaufela muuna kamba musali ki yena Yo ambozi ku yena kakusasana cwana, ba si ke ba swaba shangwe, kono ka kunwela mwataswa pilu luli ba Ku amuhele cwale, batahe manzibwana a mi ba kolobezwa ka Libizo la Jesu Kreste, ba latelele Linzwi kaufela, Linzwi kaufela; haiba bakile ba kolobezwa ka kushutana, kamba kufafalezwa, kuseliwa. Ka ku hupula (lwa hupula, Mulena) kuli No ize, “Kaufela ya ka zusa Linzwi lililiñwi mwa Buka, aekeze linzwi leliñwi ku Yona, siemba sa hae si ka zusiwa mwa Buka ya Bupilo.” Ni ha ka lika, kutaha, abeye libizo la hae mwa buka, halina—halina ku beleka. Ha lubeni baba sepahala mi baba ikokobeza.

²³² Cwale ba inzi mwa mazoho a Hao, Mulena. U eze kubona sina Mo bonela kuli ki swanelo, kakuli ki ba Hao. Ka Libizo la Jesu Kreste, yena Mwana Mulimu.

²³³ Cwale halunze lu inamisize litoho zaluna cwalo, Ni bata kuli munahane hande ka tokomelo luli cwale. Mu ni swalele, pili, ka kulieha ka mizuzu ye lishumi ni ka yeketalizoho. Cwale lu bata ku ūnuña. Mi munahane fela mwa pilu ya mina cwale, "Kana luli Ni kopano ni Mulimu nji?" Mu nahanisise fateni ka tukufalelo yetezi cwale. Kakuli, haina kuba nako yeñata hahulu mwendi kufitela... Ikona kuba nako ya mafelelezo cwale, yelukona kopana ku sikaba kale Kutaha kwa Hae. Ku sutelezi, balikani. Liñolo kaufela, libonahala kuli, li se litalelezwa. Mi kwa kona kuba, ku wena kamba Na, ye ikona kuba kolo ya luna ya mafelelezo. Lwa kona kuiconga ku sikaba kale busihu.

Ni kaya ni Yena, ni Yena nzila kaufela.

Ni u twa, "Kana wa Ni swabela ni Linzwi
Laka?"

Ni u twa Mupulusi waka . . .

²³⁴ Cwale munahane fela kuli mu lobezi mwa mumbeta wa mina wa lifu cwale. "Ni utwa . . ." Konakuli ku kabe kuliehile, kono haku sikaba kale cwalo.

"Lwala sifapahano sa hao, mi," ulukela kuipa
cwale, "Uni latele."

Cwale, mwa pilu ya hao, alaba cwana:

Ni kaya ni Yena mwa simu,
Ni kaya ni Yena mwa simu,
Ni kaya ni Yena mwa simu,
Ni kaya ni Yena, ni Yena nzila kaufela . . .

²³⁵ Cwale ka litoho zaluna zeinami, halu nanuleni fela mazoho mi lu bulele cwana:

Ni kaya ni Yena mwa katulo,

Cwale, sani kona se si ezahala onafa cwale, Wa luatula.

Ni kaya . . .

Mulena, kana Uni fumana ni mulatu? Konakuli, ni swalele.

. . . mwa katulo ya Hae,

Ki sikamañi So ni atula kuba sona kakusasana cwana,
Mulena?

. . . ni Yena mwa katul- . . .

Uni like, Mulena, ubone haiba ku na ni sika sesi si kakena
ku na.

. . . ni Yena, ni Yena nzila kaufela.

²³⁶ Ndate, lwa itumeli ku Wena kakusasana cwana ka mazoho a kamukana. Ha ni sika bona mutu alimuñwi kono konji ka se

ba nanulezi mazoho mwa halimu. Na itumela ku Wena, Mulena. Na—Na sepa No sika eza cwalo ni wena, Mulena. Hakuna ya si ka nanula lizoho la hae mwa halimu, ba itukisize kuya ka kukena mwa katulo. Lu atule, Mulena. Mi haiba kuba bumaswe kaufela ku luna, uluswalele ka bona, Ndate. Ulufe kwa sishemo sa Hao, kakuli ha lu lati ku kopana ni katulo ya Hao hakusike kwa yo ba sishemo. Kacwalo, sishemo siteni onafa, kacwalo lwa lapela, Mulimu, kuli Ulu atule ni ku lu swalela libi zaluna, kuya ka Linzwi la Hao ni sepiso ya Hao. Mi ha lu pilile Wena ka mazazi kaufela a bupilo bwa luna, lu si ke lwaba baba swabela Evangelii.

²³⁷ Cwale, Ndate, haiba ki tato ya Hao, lu kala cwale ka Lisunda zetalu ze tatamana ona cwalo, za mikopano. Lukisa lipilu za luna ku yona, Mulena. Uni lukise, O Mulimu. Ki na ya yemi mwa kutokwa kokutuna luli kwa Hao. Ni lapela kuli U ni zamaise ni ku niisa mwa lika ze Ni lukela kueza ni kubulela, mwa mazazi a sa taha aa.

²³⁸ Zamaisa ni ku etelela Muzwale wa luna yomunde Neville, mutanga Hao yani ya ipitezi, Mulena; mi hape ni Muzwale Mann, ni madikoni ba keleke, ni basepahali, ni mutu kaufela ya kopanelanga mo.

²³⁹ Lu lukise, Mulena, kuli lu kone ku kondisa, mwa—mwa nzila ya luli ya Bukreste, kutisa baezalibi ku Wena, ni kutisa mamembala ba keleke kwa kuziba Mulimu ye lu ziba, yena ye lu kopani luna kasibili, habe Yena Mulimu wa bona, nibona. Cwale, Ndate, se halukoni ku si eza, ha lu koni kuba kenya mwahali. Kono Wena, Moya o Kenile, zamaya fahalimwa sicaba, mamembala ba likeleke.

²⁴⁰ Mi sina zibo yelikani yene Ni bile ni yona ni Wena kakusasana omuñwi, “Zamaya u yo ni batela Musali wa Mwanake. Uli zuse mwahala sicaba, mwahala likeleke. A ku hohe Munyaliwa yani.” Uni tuhele, mwa tapelo cwale, Mulena. A ku lume Rebekah; Ni ka lika kuba Eliezare. Uni tuse kuli nibe mutanga ya sepahala. Mi cwale Mulimu wa Lihalimu alume Lingeloi la Hae fapila ka, fapila luna, aka kopanya lika hamoho ni kuketa Munyaliwa Ya iketezi. Lwa li kupa ka Libizo la Jesu. Amen.

²⁴¹ Cwale, Mu ni swalele ka ku mi buluka nako yetelele. Seli mizuzu ye mashumi amabeli ka yeketalizoho yefitile. Ne ni lukela kuba kwande kwani, mizuzu ye mashumi amabeli ka ye ketalizoho yefitile. Kono, cwale, mwa tabelia pina ya kale yani, “Muikungele Libizo La Jesu Komuya”? [Puteho ili, “Amen.”—Mu.] Kana ha ki yende yeo? Nibile ni i opela fa myaha ye mashumi amalalu ka zetalu cwale, kakuba pina ya kuzwa ka yona. Kolobezo ya mezi, “Fa makamba a Jordani Na yema.” Mi Na sepa yani ki yende luli, “Mu Li nge fela kaufela ko muya!”

Libizo Lelinde, O le li nde!
 Sepo . . . (Cwale muswalane mwa mazoho ni ya
 bapani ni mina.)
 Libizo Lelinde, lelinde Libizo, O le li nde!
 Sepo ya lifasi ni tabo ya Lihalimu.

²⁴² Cwale muhupule sebelezo ya busihu bwa kacenu, seveni-seti, seveni-seti busihu bwa kacenu. Cwale ha lu opeleñ timana iliñwi ye, mwabona.

U nge Libizo la Jesu,
 Ku ba tebe kwa sila;
 Miliko anze i taha . . . (Mu eza sikamañi he?)
 Mubulele Libizo lani mwa tapelo.

Libizo Lelinde, O le li nde!
 Sepo ya lifasi ni tabo ya Lihalimu;
 Libizo Lelinde, O le li nde!
 Sepo ya lifasi ni tabo ya Lihalimu.

²⁴³ Kana kuna ni yana tile kuli akolobezwe hasamulaho wa sebelezo? Haiba ku cwalo, mu nanule mazoho amina. Mutu yabata ku kolobezwa? Bababeli, ku lukile, baka kolobezwa onafa hasamulaho wa sebelezo. Haiba mina ba basiezi, yomuñwi wa mina kaufela ya bata ku kolobezwa, lu ka banga ni lisebelezo za kolobezo mwahala lisebelezo ze kaufela. Taba fela ye mulukela kueza ki ku kupa. Lu itukiselize ku mi kolobeza. Wani kona musebezi wa luna, ku mi kolobeza ka Libizo la Mulena luna Jesu Kreste. Ki musebezi wa luna kueza cwalo. Mi luka taba kuza sani, nako kaufela. Mina ba balukela ku kolobezwa, myye fela mwa libaka zani, ona fa kasamulaho wa sebelezo, mi luka zwela pili ni kolobezo ya mezi. Mutu kaufela ya lata ku ba latelela, muka to iponela kuli lukaba kwanu . . . haiba mubakezi libi za mina mi mu amuhezi Jesu kuba Mupulusi wa mina.

²⁴⁴ Muse mibile Bakreste fa lilimo, mi mwali kuba mubone Liseli, mi Liseli la tukuluho litile cwale. Musali, Munyaliwa ya lukela kunga Libizo! Jesu naize, "Ni tile ka Libizo La Ndate, mi ha mu si ka Ni amuhela. Kono kukaba yomuñwi ya ka taha ka libizo la hae fela, mi yani muka mu amuhela," yani ki kopano yamina.

²⁴⁵ Mwana wa mushimani kaufela utahanga ka libizo la ndata he. Ni tile ka libizo la bo ndate. Mina baana mutile ka libizo la bo ndata mina.

²⁴⁶ Mi Libizo la Hae neli lifi, ki sikamañi Libizo la Ndate? Jesu! Yena, "nitile ka Libizo La Ndate, ha mu Ni amuheli." Cwale Munyaliwa wa Hae ukuba ni Libizo la Hae, ka niti.

²⁴⁷ Ne ni ngile musali cwana, wa libizo la Broy, mi ufetuhile kuba mu Branham.

²⁴⁸ Yena utela Munyaliwa, mu be ni kutwisiso ni ku hupula cwalo hamunze mutaha kwa lisa.

Halu inamiseni litoho zaluna cwale.

²⁴⁹ Mi Muzwale Vayle kwanu ha ki mueñi ku luna. Yena ki muzwale yomunde hakalo, ubile ni na mwa mikopano ye miñata, yena ni musala hae. Mi yena hape seli muñoli wa likutazo ze ni zeñwi ze fumaneha mwa mufuta wa buka. Muzwale Vayle, kana wakona ku lu lukulula mwa tapelo, ha lunze lu inamisize litoho za luna. [Muzwale Vayle walapela—Mu.]



KUSWABA LOZ65-0711

(Ashamed)

Liñusa le ka Muzwale William Marrion Branham ne likutalizwe lwa pili mwa Sikuwa la Sunda kakusasana, Sikulu 11, 1965, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2017 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org